

明

詩

紀

事

明詩紀事

貴陽陳田輯



謝遷一首

遷字于喬餘姚人成化乙未第一人及第授修撰厯
諭德庶子少詹兼侍講學士入閣參預機務進詹事
擢兵部尙書東閣大學士加太子少保太子太保改
禮部尙書進武英殿太學士少傅兼太子太傅請誅
劉瑾忤旨致仕除名瑾誅復職再致仕起戶部尙書

兼謹身殿大學士贈太傅謚文正有歸田稿八卷

四庫總目謝遷文集全稿嘉靖中倭亂被燬歸田稿八
卷乃其致仕以後及再召時所作也集中奏疏類多

晚
所稱詣罷選妃嬪禁約內官諸疏亦散失然遷當歸里以後正劉瑾焦芳等挾怨修劄日在危疑震憾之中而所作詩文大抵詞旨和平惟眷眷寄江湖魏闕之思老臣憂國退不忘君讀此一編足以知其忠悃矣

王鏊震澤紀聞成化弘治間翰林聲望最重者吳寬次則謝遷兩人皆狀元及第儀幹修整寬溫粹含宏邁明暢亮直寬詩文俱有古意遷亦亞之故一時並有公輔之望遷入內閣十餘年號能持正不失爲賢相時劉健爲首相遷數言寬當入閣健曰待我去用之他日又以爲言又曰待我去用之遷爭之不得至聲色俱厲健但笑而已

皇甫庸近峯聞畧弘治乙丑大學士木齋謝公乞致仕薦吳文定王文恪二公以代已言極懇至一時恬讓之風感動中外

田按木齋以忤劉瑾致仕瑾意叵測人皆危之木齋曰天佑皇明我當無他不見劉元城之事乎處之裕如日與客圍棋賦詩可謂雅量

習靜

一座不到水邊亭。掃石焚香晝掩局。方沼萍開魚掉尾。高崖
松動鶴梳翎。窗臨絕澗洒虛白。山隔重湖送遠青。更是晚來
羣動息空庭。仰卧數流星。

王鑒十二首

鑒字濟之吳人成化乙未第二人及第授編修歷侍
講諭德少詹兼侍講學士擢吏部侍郎入閣參預機
務進戶部尙書文淵閣大學士加少傅兼太子太傅
贈太傅謚文恪有震澤集三十卷

烏衣佳話吳中落花詩自沈石田起一詠三十律一
時詩人唱和者斐然至有和韻者未免東坡搗辛之
謂王文恪公詠落花絕句云魚鱗滴地畫斑斑蝶怨
蜂愁鶴慘顏只有道人心似水花開花落總如閒觀
此詩一洗山林淡腐之陋奚以多爲
田拔文恪以文章名一世集中七言律絕格調風致

竟爾
不凡

贈梁都憲巡撫四川

赤甲白鹽雄作鎮鐵冠繡斧稟先聲雪山已爲來時重黑水應聞去後清殿上位虛中執法邊頭人散小團營憑誰說與蘇明允畫像無煩記姓名

送吳編修克溫歸省宜興

玉堂退直幾相從茗鑑薰鑪坐晏春遠別芳洲生杜若清詞秋水出芙蓉交情淡愛周公瑾宦況輕懷邴曼容問罷起居還就道渭陽雲樹思重重

送同年俞副使之四川兵備

控帶西南坐上遊安危須共主分憂蜀人到老懷張詠遜計

從前仗武侯地遠烏蠻耕更早天高白帝鎮橫秋雪山不見
南來雁書寄同年幾日收

送僧方冊歸善權寺

荆溪東望夢嶮嶒欲訪坡翁惜未能今日上人飛錫去西風
誰與攝衣登洞泓玉帶追仙李泉落銅棺漱古藤他日三生
堂外見山人應訝我來曾

姪延學作亭湖上

幾醉池亭雪色醪近聞亭子勢尤高白鷗不避新翻曲黃鳥
時窺舊賜袍波影半簾雲滉漾山嵐四面畫周遭我來湖上
題詩句秃盡山中秋免臺

望陽山

青谿欲盡轉逶迤卧對陽山舟自移聞有高人何處住白雲
紅樹影離離

春日山行

風輾波平一鑑開湖山重疊見樓臺萬株晴雪懸崖裏只爲
梅花也合來

此詩亦見文森中丞集

丹陽孫思和訪余于洞庭詩以送之

玉柱金庭未易尋飽看七十二瑤岑太湖多少閒風月歸對
金焦盡日吟

答胡太守孝思次韻

太湖三萬六千頃七十二峯煙雨中畫船五宿澄波裏千古
風流始屬公

王弼七首

弼字存敬黃巖人成化乙未進士除溧水知縣遷刑
部郎中出爲興化知府有南郭集

林俊見素集南郭選才橫發壯思雄飛出入草柳蘇

黃朱荔唐魯通其正變三台詩錄南郭詩才思豪逸後師山谷多拗句造思

頗苦自謂不如是不足以遺甜俗一派

田按南郭治興化稱循吏詩如回甘諫果正味森森

二馬圖爲陳明之題

壯哉陳明之有此兩玉馳一馳色作葡萄錦一馳雪尾雲爲
鬃咄哉明之此非畫兩胡碧眼睛相射手中綠繩三尺捶人
馬意態俱閑暇燕郊二月沙草春淡風驟日開煙塵兩龍浴
罷桃花水迴視八極生精神十年侍朝未央殿西北貢馬尋

常見駕駒豈有仗下材空勞萬乘臨軒看有如此圖誠不多
舉足萬里無山河試令放馳九折坂定與飛鶴爭先過神物
不受人間役冥冥天意應相屬明朝卷軸送還君莫使春雷
驚我屋

賞梨花用東坡梅花韻

缺月挂在城南村百花黯慘無精魂開眼東闌一株雪清光
回盡寒燈昏牽衣昨夜走相覓風物雖好非吾園盤龍小枕
破春夢主人顏色如花溫歸來展轉久不寐縞衣月淡扶桑
敵今宵又作省中宿相思復欲來呼門露華颺颺覺腳冷主
人不出花無言明當埽拂花下石我欲往置雙清尊

神樂道院分詠枸杞

簇簇紅霜映石壇
高標留借野人看
風光牽挽藤三尺
秋色扶持竹半竿
本草性涼消內熱
仙家味苦帶儒酸
向來肺爲憂時渴
欲卧籬根待一餐

次韻陳一夔清明感懷

公詩常切故園悲
不耐紅塵帽底吹
上已風光依例好
中年情況自家知
勝遊準擬隨輕策
貧具惟應有伏雌
明日城東濯纓去
平泉石上送青時

四月十四日德州官廡見薔薇花盛開有感明日道間
又聞鶯聲宛轉在樹陰中不勝淒惋賦此自遣

昨朝苦被薔薇惱
今日重聞黃粟留
飄轉客身殊未定
闌珊春事不勝愁
青林氣重迷征旆
迴野風鋗憶故裘
傳節漸更

家漸遠無憑歸夢付東流

便面

竹裏幽亭是我家
門前白水漫平沙
釣船順放中流下
袖手船頭看浪花

彭綱一首

綱字性仁清江人成化乙未進士授兵部主事遷員外
出知汝州擢僉事遷雲南提學副使有雲田集

詠刺桐花

樹頭樹底花楚楚
風吹密葉翠翩翩
露出幾隻紅鸚鵡

升菴集古有三句之詩意足詞贅盤屈於二十一字之中最爲雜工得檢前賢詩不過四五首而已岑之敬當城山云明月二八照花新當處十五晚留賓四
畔口萬橫白陳最爲絕唱唐傳奇無名氏春詞云楊

柳裊裊隨風急西樓美人春夢中繡簾斜捲千條入

宋謝皋羽寄鄧牧心云杜鵑花開桑草齊戴勝芋生

藥草肥九鎖山人歸未歸洪武中詹天鼎寄山中友

人云桂樹蒼蒼月如霧山中故人讀書處白露濕衣

不可去又古步虛詞云三十六天高太清元君夫人

躅雲語吟風颺颺吹玉笙近日雲南提學彭綱詠刺

桐花云云亦風韻可愛也刺桐花雲南名爲鸚哥花

花形酷似之彭公此詩本四句命吏寫刻於匾遺其

一句復誦之自覺意足乃不更

改余聞之晉甯待御唐池南云

徐源

一首

史巡撫山東有瓜涇集二卷

笠澤

娟娟月一川杳杳笛三弄釣艇入蘆花驚破鬼驚夢

文貴

一首

貴字天爵湘鄉人廣甯左屯衛籍成化乙未進士授御史累官布政使擢右副都御史巡撫延綏進兵部侍郎兼左僉都御史提督宣大軍務

還湘上故里謙集褚公祠

馬邑龍堆白草肥牙旌高捲塞鴻稀還鄉爲報浮湘客飛鳥依人已倦歸

朱訥

二首

訥字存仁寶應人成化丁酉舉人除鄞縣知縣改長陽再改江陵

燕

三月巢乾雛未成茅堂來往日營營說殘午夢千聲巧剪破
春愁兩尾輕官柳陰濃金鏤合水芹香細綠波晴畫闌十二
無人倚一半梨花一半鶯

萬綸

一首

綸字允言永昌人成化丁酉舉人除武岡學正遷長
史有西窗集

雜詠

謝卻紅塵二十年歸來林下興悠然小橋流水通雲谷老屋
青山繞石田野杖斜穿花徑雨釣蓑輕帶柳溪煙誰言光景
西山薄自有金丹可斡旋

楊守阤

一首

守陞字維立鄞人成化戊戌第二人及第授編修遷
南侍讀召修實錄遷侍講學士擢南吏部侍郎加尚
書致仕有碧川文鈔二十九卷

曹學佺石倉詩選成弘時人文爲盛而公家爲尤盛
文懿起於前公與康簡廢之一時羣從登朝者六人
公譽望尤著而歿後易名之典至今闕焉蓋公祝篆
翰林時適遇朝廷一日間升傳奉官四十員科道上
章因下詔獄六十員言路一空公移書當軸謂當極
力申救不宜作缺更補語甚切直而當軸者不能從
吳門沈啟南爲作詩以侈其事始大忿恚陰構之於
新都楊公謂已推轂新都爲東宮講官而不及公以
此爲憾新都領之未幾公與當軸者俱逝疏請易名
而新都兩斬之云石田詩板當時已被毀其續集刻
無此詩謹括此段以備採擇

孝陵恭謁有述

淮海龍飛入建康金戈鐵馬淨櫻槍不階尺土興如漢盡復

華風治邁唐三紀袞衣明日月萬年陵寢肅風霜小臣瞻拜
祠宮外惟見參天樹色蒼

楊廷和

一首

廷和字介夫新都人成化戊戌進士選庶吉士授檢
討厯修撰侍讀中允春坊大學士少詹詹事入東閣
典誥敕遷南吏部侍郎進南戶部尙書召還除戶部
尙書進文淵閣大學士參預機務改吏部屢加少保
太子太保少傅太子太傅少師太子太師進武英殿
大學士再進謹身殿華蓋殿以議禮削職爲民隆慶
初復官贈太保謚文忠有石齋集八卷

送神武蔡千戶致仕還湖州

神武挂冠歸舊隱赤松相伴話長生太湖合是逃名地畫舫
絃歌自在行

劉忠

五首

忠字司直陳留人成化戊戌進士選庶吉士授編修
厯侍講侍讀學士掌翰林院遷南禮部侍郎進尚書
改南吏部召還拜吏部尚書兼文淵閣大學士參預
機務加少傅兼太子太傅進武英殿大學士贈太保
謚文肅有野亭遺稿八卷

田接太保不以詩名七言斷句有古人風調

內進元宵詩

二首

太乙祈靈陋漢風上元遺俗古今同君王崇孝排滌祀移取

寶月華燈繞殿廊九重歡進萬年觴東風似解同仁意吹送

笙歌出禁牆

明皇擊毬圖

我勸韓公諫且休多言不是殿頭謀范陽場上蓬盧李蹴蹣
神州等一撻

宋故宮

二帝龍遊真不返山河回念舊神都格天閣上人疑望曾有
飛鴻繫帛無

趙子昂苕溪圖

清詩寶墨浙東西宋室宗臣漢獻齊欲上汴州觀艮嶽風光

應否似苕溪

梁儲

一首

儲字叔厚廣東順德人成化戊戌進士選庶吉士授編修厯侍講洗馬學士少詹擢吏部侍郎進尚書以事降侍郎尋復職加太子少保調南吏部召還以吏部尚書兼文淵閣大學士入參機務屢加少傅太子太傅少師太子太師進建極殿大學士再進華蓋殿大學士贈太師謚文康有鬱洲遺稿十卷

留都吏部公讞

故人交誼重南金晝省風流許重尋千里雲霄違比翼十年江漢阻知音祥鸞自合歸阿閣倦鳥惟思返故林多謝北堂

今夜月後來應照我遐心

林俊六首

俊字待用莆田人成化戊戌進士授刑部主事遷員外以事下獄謫姚州判官遷南刑部員外擢雲南按察副使進按察使改湖廣引疾歸起廣東布政使不赴起僉都御史督操江改巡撫江西進右副都御史改四川遷右都御史致仕起工部尙書改刑部加太子太保致仕卒追論議禮削職隆慶初復官贈少保諡貞肅有集五十四卷

四庫總目俊詩多學山谷後山頗多隱澀之詞而氣味
藝苑卮言林待用如太湖中頑石非不具微致無乃
癡重

田按尙書詩晦澀者不必言時遇疏豁者如絕壑疏林別有風景

題松雪山水

山水何人稱絕奇吳興松雲老畫師鄭虔祁岳不足數前身
合是病王維與可胸中有成竹此老林壑故不俗輕納落筆
百態生奇形遠勢相追逐長松自昔參天材疏鬚碧淨無氛
埃翛然茅屋二三子衡門靜掩荒蒼苔祖跣無營百事拙竹
裡漁舟卧秋月壯歌激越遙空翠散亂白波舞晴雪老子家
住雲水鄉披圖見此心如狂藤蔓穩著賦歸去倚天一笑江
茫茫

戛頰

日長了官事倚杖大溪濱沙石淨臨水煙花閒度春科頭風

到竹招手鶴隨人茅屋青邱晚漁樵感卜隣

題清上人山房

亂松深古寺衰謝白雲期生滅慧燈靜晴陰疏磬知檐虛江色遠日薄鳥聲遲錫杖西來意曹溪亦幾枝

翠亭草堂

名家傳筆格處士接丰標泉石境難畫耕漁興可招杜門消短日飽飯答清朝引鶴西湖路春風第二橋

和韻

細柳新蒲綠映溪釣船閒與鷺羣棲覓來野火晚煨蘋踏碎山雲春拾藜流水不綠催老去飢鳥似欲向人嚦石牀對月清難夢起步星河又轉西

仙遊

紆徑層巒鳥道蒼煙碧水人家石澗每含山雨溪深時放桃花

陳章

一首

章字一夔松江華亭人成化戊戌進士授刑部主事
歷員外郎中擢湖廣按察副使未行降瑞州同知遷

高州知府改黃州有西潭稿

楊循吉七人聯句詩記陳一夔好作詩醞釀典則時有真詣語如秋懷云人老漸驚生白髮家貧未辦買青山余以爲自然妙句苦語余公作語須發得自家意思出乃佳余久有此意口不能道得君言遂添一悟境

田接一夔在刑部時與屠元勳林待用陳匪之秦廷
贊王存敬趙栗夫相倡和其卒於高州也王存敬哭
以詩云別路同攀柳條聞君秋駐海南輶書來自

喜州無瘴運去那知鬼作妖子建詩雄空蓋世宗元
謫死不還朝黃梅嶺外鞠躬雨零落殘魂誰與招

賈島峪

故庵尙在青山裏卻說長安片瓦無早有詩名驚吏部勸加巾服變浮屠回看全賀風斯下上接岑王道不孤我獨愛君詩瘦健推敲想亦費工夫

李韶

一首

邵字□□富順人成化戊戌進士歷工部郎中擢雲南參政遷江西布政使

秋浦

秋浦生晚煙蟬聲在高樹時見打魚人來喚斜陽渡

黃文琳

一首

文琳字潤玉莆田人成化戊戌進士

見梅花有懷

梅花初破臘千里憶同心欲寄憐途遠將攀愁雪深煙生極
浦晚日落半溪陰倚閣情無限淒然望碧岑

鍾璫一首

璫字良玉永豐人成化戊戌進士除咸寧知縣有聲

秋漫稿

題南山觀壁

南山遠勢連空同山下樓臺煙霧中東海仙人影在壁月波
道士顏如童嵐光和雨滴春翠丹氣浮天接夜虹懸高一笑
空宇宙俯視下土塵濛濛

林廷選一首

廷選字舜舉長樂人成化辛丑進士授蘇州推官遷監察御史出爲浙江僉事進副使歷廣東按察使布政使南大理卿以右都御史總督兩廣拜南工部尙書有竹田集

泊蘭溪

縣枕青山驛傍溪行蹤已徧浙東西高林樓閣畫圖出繞郭峯巒房障低柏燭迎春金縷字香醪過夏囊封泥泊舟不寢思鄉切坐聽灘聲并鳥唳

趙寬一首

寬字栗夫吳江人成化辛丑進士除刑部主事歷員

外郎中出爲浙江提學副使遷廣東按察使有半江集

田按栗夫集名半江邵文
敬亦名半江詩品略相似

觀蕭凌漢所藏東坡題識文湖州墨竹

霜縹閣世五百年鵝黃半落浮殘煙光搖翡翠秋娟娟怒蛟
蹶張虬盤旋漠漠遠水連長天錯刀翦玉聲戛然誰哉置我
冰崖嶺纖肌發栗思重綿坡翁老可骨已仙何事突兀參吾
前高風逸韻橫八埏欲攀其鬚手攀拳昨夢明月生玉川

張吉一首

吉字克修餘干人成化辛丑進士除工部主事以言
事謫景東通判遷肇慶同知歷梧州知府廣西兵備

副使擢貴州布政使有古城集七卷

暮投上葉村

白妥紅殷翠欲勻小園猶見未殘春盤中細蕨兼新筍卻喜
山家風味真

盧格二首

格字正夫東陽人成化辛丑進士除貴溪知縣擢江
西道御史有荷亭集

田按劉念齋荷亭集序稱正夫令貴溪多惠政以母老乞歸築荷亭三楹鍵戶不出奉養外日取古人書讀之所著荷亭辨論十卷與朱子異同十六七誠明辨之士也詩亦有風格

江行

夜闌酒初醒風物無限情松壑發靈籟蘭槳擊空明徘徊復

徘徊懷抱一時清

西湖

十里湖光綠染衣滿船燈火夜忘歸憑誰寄語林和靖近歲

梅花學雪飛

葉元玉 一首

元玉字廷璽清流人成化辛丑進士歷戶部郎中出
爲潮州知府有古厓集

次高郵湖

湖水漫漫無畔岸風波日日有人行輸他林下幽棲客閒看
梅花破雪清

方向 一首

向字與義桐城人成化辛丑進士授南戶科給事中
以言事謫多羅驛丞後官瓊州知府

山中雜咏

薄雲不成雨山中有餘白月光墮尊酒照我衰顏色舊交日
已遠芳時坐來歎惆悵平生懷今夕竟何夕

鄭琰一首

琰字仲璧莆田人成化辛丑進士授南禮部主事遷
郎中有蝶笑集

將進酒

我有斗酒甘如飴何以斟之金屈卮青鬚倏忽成白髮今我
不樂日月馳君不見三閭大夫號湘纍獨醒不肯啜其醨身

後虛名徒爾爲爭如隨西李謫仙醉騎鯨魚飛上天

彭甫一首

甫字原岳莆田人成化辛丑進士累官廣西提學僉

~~再有~~忍施集

題畫

暮雲收盡青山出靈籟數聲風動松鷗鳥無心自歸去卧看
明月上孤蓬

明詩紀事

貴陽陳田輯

丙籤

邵寶

七首

寶字國賢無錫人成化甲辰進士授許州知州入爲戶部員外郎歷郎中遷江西提學副使歷浙江按察使進布政使改湖廣擢右副都御史總督漕運以忤劉瑾致仕瑾誅起巡撫貴州遷戶部侍郎進南禮部尚書卒贈太子太保諡文莊有春容堂前後集三十

四卷續集十八卷別集九卷

四庫總目寶詩清和澹泊能抒寫性靈

田按文莊詩格平衍其蘊藉以古處則學爲之也在

茶陵詩派中不
失爲第二流

送僧圓顯住慧山寺

寺據諸山會公因一檄來夢驚松閣雨歸掃石床苔得主憐
西社遺書釣北臺野雲心迹在古洞傍泉開

三竺道中

人行松徑靜數里不知遙路轉還逢寺僧迎只過橋岩姿收
獨妙泉響息羣喧東去頻回首山花似我邀

重登松風閣

天風滿欄坐參禪上有松聲下有泉高閣重來三紀外老僧
誰起百年前茶爐夜濕雲花雨壁春銷劫火煙最是瀧岡
猶未表北山回首思潛然

山中懷楊儀部

未得登君野性堂
兩年清夢獨難忘
笑談每怪逢僧懶
文字猶嫌應客忙
山月挂松真灑落
海雲迎鶴更昂藏
吳天楚地同秋水
老盡蒹葭一夜霜

贈周山人

曉起空庭月在松
慧山寺裏初鳴鐘
詩翁見訪來何早
第七峯前一短筇

贈錢校書

夫椒山前孤草亭
水風吹月秋冥冥
客來鶴去主人返
七十二峯湖上青

泊儲潭

儲潭廟前春水深春雲帶雨晝陰陰撞鐘擊鼓禮神去十八灘行路心

儲巏十四首

巏字靜夫泰州人成化甲辰進士授南吏部主事歷
郎中改北遷太僕少卿進本寺卿擢右僉都御史總
督南京糧儲召拜戶部侍郎引疾歸起南戶部侍郎
改吏部嘉靖初謚文懿有柴墟集十五卷駒野集一

卷

容春堂集柴墟詩渾雄跌宕洒落清遠風雅遺音公
蓋有之

靜志居詩話文懿掉鞅詞場與楊若謙徐子仁杜櫻
居衿契君謙嘗題扇寄之文懿愛惜緘題字未聞視
也一日子仁櫻居過出扇作畫文懿因題詩寄君謙
云爲惜緘題入手遲清風千里故人思盡成一事知

還欠封寄江南乞寫詩亦藝林韻事也
田按柴墟以天涯爲師空同爲友故詩力雄厚迥異
之體

廷章文光邀遊龍潭寺賦謝

蒼山宛龍蟠南棹琅琊尾潺潺兩崖間一綫行如蟻嶠崿度
澗杓蒼莽拂林卉何年盤靈巖佛閣擅雄偉長年環滁思江
介浮一葦及茲偕良遊落落故人幾肝腸苦雕琢鬚髮銷說
誹歷覽石上題留詩吊山鬼兩公廊廟具名姓在丹辰空山
豈久留且醉月生朏

過玄武湖

北山飛翠凝吾杯舟人舉棹相徘徊城闕捩舵踏冰入船底
軋軋聞春雷霜風吹衣衣欲裂湖天浹漭疑飛雪司空勸飲

夕郎酬始覺微酣生賴熟中流咫尺冰盡聞沙禽水鳥忘
猜新洲昨夜梅花發暗香偏逐詩人來湖波爲帶城爲被冊
府圖書真得地堪笑前朝建此都只將山水供遊戲鍾山龍
蟠幾百里下有龍宮藏劍履山中老樹盡成龍夜夜飛來飲
湖水湖波直與銀河通胥城一派垂晴虹柏梯高寒石梁迴
十洲三島神仙宮長堤隱隱湖心路隄上行人自來去春風
楊柳夏芙蓉換盡年光顏色故世間萬事如雲煙湖光山綠
只依然不及湖中魚與鳥涵泳恩波今百年

清源舟夜

十年三往復此地忽重經塵土長安夢煙波汎水船平川雨
夕景遠樹隱春星猶酒偏難醉從人笑獨醒

彭城有懷

清夜棹歌發高秋客思生綿綿鄉國夢厯厯水雲程老樹危
蟠石衝波怒噉城白門樓上月偏傍海東明

金臺

萬里長風動薛蘿眼中燕趙共山河趣程未辦登高賦問俗
猶傳擊筑歌喬木幾經荒塚盡斜陽偏傍故臺多黃金不解
縱橫厄疑有冥鴻避網羅

大房金源諸陵

長白山高朔漠連金源風致故依然千秋魂魄猶思沛萬里
邱陵卻到燕威事重翻江統疏傷心莫問靖康年幽蘭一曲
雄圖歇汝水悠悠入墓田

再次盤山峯字韻答恆叔治中

羊腸空曲倚連峯上有燕人避世蹤樂土不煩沙嶺戍廢垣
曾傍石門封雲中秋興歌黃鸝天際江聲瀉黑龍見說漁陽
豪俠地田疇栖處有誰從

屢卜居未遂

僦屋都城已十年移從東陌復西廬傍人門戶終低首老我
風塵未息肩江海故墟三畝宅歌鐘甲第萬緝錢一枝應被
林鳩笑今在長安若箇邊

次克溫南宮賞魏花

南宮花發滿朱闌對酒先判十日看彩筆舊傳才子夢青綾
誰道主人寒明粧向晚圍紅燭妙舞迴春試翠盤空襲花枝

無好句東風應笑客衰殘

次韻謝武靖伯惠茉莉茶

茉莉香浮碧枕新槍旗猶帶建安春
何人更汲中泠水來餉
松廳病暑人

過西墅看竹

雨後初分一畝涼西園合有墨君堂
簾龍不用愁斤斧坐看
新梢百尺長

郊行

凌艱瘦馬踏春泥
雪後郊原綠未齊
一抹午煙風隔斷
野雞聲在竹林西

一村舍前杏花爛開

錦樹成團爛漫春毀垣荒舍未全貧碧雲欲合斜陽淡最是無言更惱人

題極樂巖籠

老樹輪囷怪石棱鳴猶在白雲層山中歲月非人世輸與嚴龕打坐僧

喬宇

一首

字字希大太原樂平人成化甲辰進士授禮部主事改吏部歷員外郎中遷太常少卿光祿卿擢戶部侍郎進南禮部尚書就改兵部召拜吏部尚書加少保兼太子太保贈少傅謚莊簡有白巖集二十卷

列傳
卿紀
喬公詩始擬古作後擢落陳辭往往多自得語樂府雄雋有作者風氣

藝苑卮言喬希大如漢官出臨遠郊亦自粗具威儀
梁維樞王劍尊闈徐霖嘗語人有朋以來喬字篆法

第一人

莫敢望

東園卽事

名園列嘉燕晴旭散輕陰地比東都勝情同北海深山屏環坐隱林籟答行吟仙迹移城市桃源路可尋

王雲鳳

五首

雲鳳字應韶和順人成化甲辰進士授禮部主事歷員外郎中以劾太監李廣誣下獄謫陝州知州遷陝西提學副使歷山東按察使召爲國子祭酒以僉都

御史巡撫宣府有博趣齋稿

國史唯疑劉瑾末年欲收羅人望蔡清王雲鳳俱以致仕起兩京祭酒蔡未聞命卒王輒請瑾臨太學如

魚朝恩故事復請較刻瑾近行法例永俾遵守雲鳳
甫釋褐知禮蔡清爲師中緣忤李廣謫生平可觀不
意末披猖至此晉人猶以俠喬宇王瓊並稱三鳳不
知何說

田按河東三鳳白巖品學政績稱最晉溪虎谷俱以
交納嬖幸爲玷虎谷文采較晉漢差優如洮水南分
羌部落鐵城西控漢山川天連瀚海雲常慘風起龍
沙客自愁草侵戰血秦王壘塵沒雕梁寶氏宮老僧

相見坐無語一院野

花山寺秋皆可誦也

青陵臺

青陵臺何崔嵬妾心已爲夫壻死蛾眉肯向君王開地下幽
魂相對語樹頭嬌鳥求其侶祇今名姓記韓憑高臺何處是
青陵

晚坐聞雁約張用昭登金童山

春雨生泥罷出遊小窗疏竹晚來幽家書每向鳥占喜客枕

那堪雁送愁幾日吟毫粗適意經年文案苦埋頭故人欲共
壺觴約一上金童百尺樓

商州道次韻

風葉蕭蕭點亂山愁人到此一開顏
稚子林間驅犢出老翁澗底負冰還

孟仲平墳

祝融祠下仲平墳走馬來尋日已曛
十載故人凋落盡空山無處覓機雲

送任中夫歸太原

旅館相逢卽故鄉別筵誰遺近垂楊
燕山二月春猶薄欲贈煙絲苦不長

張志漁 一
首

志漁字進之永昌衛人成化甲辰進士授吏部主事

厯員外郎中遷太常少卿進本寺卿擢南工部侍郎

改戶部有南園集

田按侍郎南園漫錄續錄各十卷

四庫僅錄漫錄

十卷余兄崑山宦滇購得完本余採滇人楊琮陶清詩皆據此本也其中尚有論詩一則云永昌府旣革元之府學盡毀然間有作詩者皆可觀如山行云山勢似墮天然未隨水聲欲停未停行過小橋

回首天然一幅丹青惜未著作者名氏

春園

長憶曾遊李監園一時名勝動都門別來陳迹已如夢偶記新詩還可論小宅自收三畝俸細塵迴隔九衢喧今年黍稌占豐候多辦糟邱少辦飧

蔡清一首

清字介夫晉江人成化甲辰進士授禮部主事改吏
部歷禮部員外郎吏部郎中遷江西提學副使以忤
甯藩引疾去起南國子祭酒命下卒有虛齋集六卷
別鄒汝愚謫雷州吏目

慷慨出門去默與千秋期飽喫惠州飯少和淵明詩

張詡二首

詡字廷實番禺人成化甲辰進士授戶部主事徵拜
南通政司參議有東所集十三卷

田按廷實白沙弟子有句云千篇擊壤詩陶性然其所作殊不類擊壤也

光孝寺

百粵山川秀三城甲第雄笙歌閒院落雲霧隔簾櫳人物消
應盡江山變不窮昔爲虞氏圃今作梵王宮

秦和舟中秋與友人玩月

潦倒江湖百不能逢君殊覺喜懷增停舟共賞中秋月促席
高燒兩夜燈國士低徊心耿耿客途跋涉鬢星星明朝又作
澄江別快閣無心擬一登

楊循吉

四首

循吉字君謙吳人成化甲辰進士授禮部主事以病
乞歸有松壽堂集十二卷都下贈僧詩一卷菊花百
詠一卷齋中拙詠一卷燈窓未藝一卷攢眉集一卷
藝苑卮言楊君謙爲儀部主事與郎中不得因謝病
歸久之病更已起復除原官君謙多病而好讀書最

不喜人間酬應嘗開卷至得意因起蹕掉不休人
患曰吾難病已復病耶安得告而可爲者致仕耳君謙不逃
亡故以起老人易而更悔之又好緣文章語中傷人正德
誰爲善詞上詞者與偕來賢頓首曰故主事楊循吉吳人
治裝見君謙冠武入冠軒輅戎錦已怪之又乘勢語
謂新聲咸守令已見上畢上每有所幸燕令君謙官與秩制爲君謙
多侵他語懇上放歸益不自憚諸後進少年非薄之
旨受賞亡異伶伍又不授君謙官與秩制爲君謙
謂曰若媚樂能爲伶長乎君謙愧汗洽背謀於賢
禮問者而其文亦漸落不復進卒窮老以死所著
頃雲是千層大其意遂題云山人捲摸肩次笑煙水萬
語續吳囊雜纂未成書
知當擴大君嘗云楊君謙先生過大父令題家君
又題張志和醉醒張眼問人世我是何人識得唐魯萬
得寒題云子蠶豆香天生澗水深溪邊問立聽風吟有人識得唐魯萬

故筆精吳郡楊循吉初授官卽致仕歸讀書支硎山南華寺枕石田賦詩以美之云到手功名賦子虛深山長谷覓安居讀書已足功名事更讀人間未見書都門祖帳百花飛多見龍鍾賦式微較取柳條千萬折不曾在送少年歸談遷棲林雜俎武宗南巡於北固山上見楊循吉留題因召見行在見上不能對遂罷造歸忌者因以爲伶人臧賢所薦不知此際循吉貧不能糊口其赴召也典衣爲裝惡從市伶人王元美輕信筆其事於臣言因而傳播天下寃哉徐文貞云世廟初年欲起君謙聞其頗而止楊公實頗不以伶人事也愚按正德十六年癸未發京師是日卽杖臧賢等於午門戌過安得從南巡薦循吉也又江甯徐子仁霖亦曰臧賢所薦是年十二月上至南京賢死久矣流聞之謬如此

田按君謙才力富贍徒以不受古人檢束取易曉於里夫堅子故體多近俳然集中合作如詠陽山雲泉菴大石詠石假山諸篇未嘗不嘆爲奇寶也

詠陽山雲泉菴大石奉和諸公同遊聯句

偉哉此陽山有石俟歌誦形將冰塊嶽勢與蓮花共仰觀一
何高登陟不可輕鳥飛必徊翔雲出自騰渝孤員外成嶠空
朗中含洞瘦如辟穀良清若食虯仲深思殆天設乍至令人
恐濃蘿作垂陰寒泉滴爲凍戴菴亦頗危攜觴更交綜耳脣
或騎犧勒拳時獨送巍巍上少並森森下多從荒厓始誰開
倒樹諒非種在茲三吳間當以九鼎重崇巖借冠冕卑轡聽
提控勞呼猱固匿被壓松堪訟曲躬始得門側身還入衡拂
苔劣容眠收乳兼資用志猶記秦餘材曷遺禹貢立久氣瀰
袍嘯高聲達靈論年越殷周言時晦唐宋一爲佛者居永作
遊人奉病宜謚作史寐稱搏養眾四方傳不誣諸公評切中
臨谷足還酸乘嶺目徧縱支頤詎厭看極口難竭諷鬼鑿手

須胼鯨負背應痛東岱徒小魯西華繆推雍懸磬風發鳴香
爐煙結供曝沙伏靈龍食岡停遠鳳是知隆拔羣所貴秀合
眾偷餘殿容棟就隙亭棟枯藤蔓穿竅長蛇舌撩縫輕盈
受指彈玲瓏脫泥壅蒂拜本無忝羽撼爭得動栽培稀尺閑
構架靡寸空炎伏涼自生清秋月堪弄林深必賴燭嵐酷能
作鷗星光猶立芒龍吟殊叶碣嶺獅馴已賓阜虎甯敢闕久
嗟隔勝賞頻勞落清夢卽欲營終棲其奈懷微倦

田按姑蘇志陽山一名秦餘杭山一名萬安在城西北三十里高八百五十餘丈逶迤二十餘里以其背陰而陽故曰陽山一支東北過金芝嶺曰噲山山北大石湧出如蓮花上有雲泉菴吳匏菴陽山大石巖雲泉菴記云陽山視諸山雄偉特甚其陰石巉然起如人負奇骨而偃者當嵌巒礧礧間有僧居在焉成化間予與太僕少卿李貞伯吳興張子靜松陵史明古往遊自滸墅北轉入小溪舍舟從平田行仰見石

空盤補年怪免七僧民攢小肺杵瘞瘞君立冰
棧堂間作腰縱劍詎冤訟上漏還敢吳龍鬚送
松道均東痛點兀泉側用分矢肅憤來李浮雲
露危樹僅張頭壯倚瓊峰學藏秦浮雲
方鐵卷八髮長古供琨太歲客難奉史落照秦
欲鴻濱崖憑玉鸞擊射沒羽中廬照秦浮雲
月手動黑吹揚玉環詩人出人廬照秦浮雲
可弄吳頓熏架附乃諷綠抹赭岳遺汴朱節彼
窮足李閣青雍仙契抹赭岳遺汴朱節彼
上扳力坎出鳳高煮三生吳陣雲白流蒙
任疲平飛張翹先生吳陣圖懷
生眺鍾少腹飢俗指破乳竹室名李眼
破望乳史禪逾百李眼
辟

信皎尙欠一踏雪意先有瑤島東坡昔袖
去援例我非狡山僧苦着相便覺生煩惱

石假山

何哉奇復奇聚此照眼碧玲瓏千百竅突兀八九尺中居獨尊嚴傍擁互扶掖貌雄怒張吻馬瘦高見瘠枯藤絡巖生老檜鑽岬坼網湖水獻寶斧山雲失宅飛來鷺峯峩推開劍門割狹觀常解帶肅拜或呼幘勢掩肺腑層形標拳臂隻浪淘猶見紋虎爪仍存迹朝惟講僧坐夜乏將軍射三槎非可參一拳茲乃積曲折畫手知巧妙詩家得陟磴披翠篁臨池扣金鯽林泉釣初心漁樵盟舊癖空支九節杖莫縱千仞屐窗窺雖眇小意賞同弘碩幸忝司郡人甯愁羈中夕

都下夜集對雨聯句

高筵啟秋雨

王仁甫

頓爾淨餘熇得非洗我塵

徐

似欲添君酌

階前渠溜走

趙甫

寬燈下檐花落來遲路遂阻

陳章

坐久衣轉薄暫

停得耳靜

王侯

翻忽至令心愕蕭蕭佐歸懷

楊循吉

潺潺亂歡謳翻

益入杜詠

侯直

名亭見蘇作漫深牆可危

王仁甫

泛滿庭堪濯徒

穴蟻何智

徐歸

林禽亦樂來如銜枚陣

趙彊

失巡階柳諸公

競解帶

陳章

羣僕皆赤腳積陰已連朝

王弼

浮潤先徵昨良賓坐

自困

楊循吉

好主投不錯決明色猶鮮

伊尹

直柄桐意方索滴成老

況愁

王仁甫

激起鄉恩惡客方利河濱

徐寬

我亦思屐著試將聽

官舍

趙甫

何如枕山閣朝衝泥想尺

陳章

漏地水驚勺忙身夜竊

暇

王仁甫

病體涼得藥對酒今則同

楊循吉

逐事明又各搜吟思

已倦

侯直

願且更束約

王仁甫

七人聯句詩記余頃得請將還山中承古直
之部適入月二十四日丁酉余命家人掃地布席次
之遂復至諸君繼日至徐栗夫將起家人掃地布席次
部直列几上坐時有雨作乃命去余與諸君共核蔬
之謙事第北徐栗老人上坐時有雨作乃命去余與諸君共核蔬
十監雨賞請於西吳四向栗夫人又入坐時有雨作乃命去余與諸君共核蔬
述者須詠一詳只此可就作公乘主事三向王仁別設一幕雨作乃命去余與諸君共核蔬
不七待方韻於不可詠就作公乘夫事三向王仁別設一幕雨作乃命去余與諸君共核蔬
有紙三句是詐詠也請長繩夫事三向王仁別設一幕雨作乃命去余與諸君共核蔬
請於刻時四古汗也請命句之寬華刑右位甫南向案具紙筆家僅出希核蔬
監趙余一十直漫詩題爲下東向侯主事三向王仁別設一幕雨作乃命去余與諸君共核蔬
主客二老無干五言趙因復酒六直西王主事一以待諸君敘
之栗夫爲秉爲人先如言趙曰不雖言先此以栗復酒六直西王主事一以待諸君敘
夫聯樂構二唱此以栗復酒六直西王主事一以待諸君敘
日句乃思百一者落夫請酒六直西王主事一以待諸君敘
諾未備則十句罰字爲立行禮事第弼江部向存事一以待諸君敘
余至立六爾諸酒爲之一家部向存事一以待諸君敘
乃時一客我人仍韻栗人僅主位敬松工日一
以請令無交繩不誠夫爲以事第弼江部向存事一以待諸君敘
六各裂事許成雅曰曰詩紙吳五北陳主位敬松工日一
小小自紙一咸之詩詩今監華都刑部向存事一以待諸君敘
紙迹如巡以共聽只對以共聽典余章常古陳留工日一
散一宗詩爲二詩詠夜典余章常古陳留工日一

諸君雨聲稠，自留其前而自留。
舍半荒蕪，人留陳玉橋。
敬次成曰：七賢然一願，邊其一時。
徐栗夫先，後其一時。
居於中甚，而我憶海公。
燒名從此再徙，是辭不賢，言歸也。
子羅陳玉橋，過其一在成亂。
時徐栗夫，留其一時。
病古筋留得，買燈前地。
懲思遠，到有丹青畫。
其一時，徐栗夫先成。
一時，徐栗夫先成。
其一時，徐栗夫先成。
其一時，徐栗夫先成。
其一時，徐栗夫先成。
其一時，徐栗夫先成。
其一時，徐栗夫先成。

徐栗夫遂贈王存敬云根在丹崖葉在吳百年鄉思
豈能無對君欲輯平生意愧乏一雙明珠存敬
云問字纔休已駕車我來還復覽君裾留連未說鄉
情好今夜詩壇正要渠栗夫云菜布黃巖人徒海甯亦吳
莫共蕭疏月中富有書千卷誰笑衙西新卜居
得詩仰而笑稱妙甚衆客傳觀皆賞以爲雅制栗夫
答云風流故與時情別榜散偏於酒以爲儻石儲栗夫
投紱計知公天性在山林時一夔於酒以爲儻石儲
楊君謙贈古直老人云草聖家無僧石儲栗夫
人老先生翻嫌邵叟身多累愛名已十年未老便懷夫
篇許贈我老章直可接前賢江海把狂雅有趣
湏洞窟中一事無世情官況兩蕭疏答云兩得名家
年次白銀一錢王書自覺共年來事一夔於酒以爲儻石儲
傳門詩夔張存贍我老丈今夜不能眠江海把狂雅有趣
遠寺句餉五敬我老丈今夜不能眠江海把狂雅有趣
後驥裏可予十贈秋來事一夔於酒以爲儻石儲栗夫
足一爭白臺陳直可接前賢江海把狂雅有趣
曾枝能蓮卑人白憐茅塞無世情官況兩蕭疏答云兩得名家
馳藤素操酒不云君兼也識君家無僧石儲栗夫
子候時家存時垣除云兩蕭疏答云兩得名家
中公看存時垣除云兩蕭疏答云兩得名家
夜繩冷敬時垣除云兩蕭疏答云兩得名家
雨贈似詩詩西理三百年人白憐茅塞無世情官
燈徐冰他日江虹堂先中子久坐公繩裡直欲志
前栗他日江虹堂先中子久坐公繩裡直欲志
成夫日江虹堂先中子久坐公繩裡直欲志
遇云期一光常生子久坐公繩裡直欲志
返建君夔白有爲實江虹堂先中子久坐公繩裡直欲志
一安何答銀數我才春繩裡直欲志
談詩處云漿斗開兩風雲長老喜次懷夫

一笑得相同栗夫答云山思天竺連峯碧鯰憶松江
出水紅雨地相過殊不違他年杖履可能同古直老
人贊楊君謙云秋宗聲譽滿京華壯歲詩文老作家
病後愈加才力健不教天上草黃麻君謙答云誇世
不過持爵祿綴文亦是弄時光但求身健無疾病編
輯閑談勝草黃成化二十二年丙午八月二十六日

病子楊循吉記

湖上

湖上魚吹細沫行湖邊花草足風情田分日影陰情別水合
天光上下清頗怪病身蓬酒健久留耽眼待山明農家識是
游人過競擁籬頭送櫓鳴

黃瓊

一首

瓊字公獻儀真人成化甲辰進士授南戶部主事歷
員外郎中出爲四川參議應浙江參政江西湖廣布

政使召拜應天府尹以右副都御史巡撫山東遷南

兵部侍郎有雪洲集十四卷

四庫總目璣詩
多仇齋之續

同畢嘉會送馮憲副還浙

廣陵淹畢誠越山老鴟唐兩賢師友間力障波瀾狂翩翩遊
子衣獨與朔雁翔汲古尚董井銷魂更雷塘胡然歌式微綵
服戀故鄉江蘿未堪折遠思憑誰將

董樸一首

政
樸字汝濬麻城人成化甲辰進士歷重慶知府遷參

國史唯疑董樸初登第以使過岳州調劉忠宣於家
劉欵之夢飯糟蝦更無他具董感省矢服清操先輩

一言動爲世運攸關如此

湖北詩徵傳畧參政詩自寫胸臆正如繁音迭奏忽

聞幽鳥一聲
凡響皆寂

易菴

笑傲白雲窩生涯一笠蓑引泉憑竹簾補屋借藤蘿溪煖魚初戲林深鳥自歌釣舟如葉小從不識風波

貢欽一首

欽字元禮宣城人成化甲辰進士官順德知府有湖

亭集

書吳氏壁

宛陵城外野人家路入青山小逕斜出水香芹低拂燕過牆弱柳暗藏鴉瓦盆溜雨新芻酒石鼎飛煙旋煮茶更愛主人

留客久春風齊放一亭花

林廷玉

六首

廷玉字粹夫侯官人陝西平涼衛籍成化甲辰進士授吏科給事中改工科以論事下獄謫判海州遷茶陵知州厯廣東僉事副使山西參政入爲通政使以僉都御史巡撫保定改南京總督糧儲致仕有南澗先生集

田按粹夫以劾程克勤鬻題事爲世所不直史但昔給事中華累劾鬻題事不實調南京主簿而遣粹夫事克勤一時賢者出獄後憤恚卒言者能不職其咎乎錄粹夫詩附著於此

再至定林寺

白雲鎖禪關松花落如雨佳木翳繁陰林深不知暑老衲卧

雲間雪顛能梵語吁嗟匡廬社遠公在何許

叢臺

叢臺之上鳥夜嘶叢臺之下草淒淒趙王已去叢臺在行人
路上空栖栖碧樹蟬鳴涼汎北黃雲雁度王屋西興亡千古
虛生夢芳草斜陽望眼迷

林泉

柴門繫釣船野徑噦幽鳥山翁睡起遲落花紅不埽

漫興

把酒對芳春風花能幾度殷勤勸美人霜恐春遲暮

林下

高樹秋風急疏林夕照斜柴門臨水岸幾簇拒霜花

姑蘇

姑蘇城邊秋水清
姑蘇城上秋月明
吳王已去姑蘇在
半夜西風吹雨聲

藍章

二首

章字文繡卽墨人成化甲辰進士除知縣擢御史歷大理寺丞少卿擢右僉都御史忤劉瑾謫撫州判官起原官巡撫陝西遷右副都御史進南刑部侍郎兼僉都御史改南工部有勞山遺稿

野興

白雲橫江天色空
江邊老木起秋風
幽懷欲吐無人見
曳杖危橋亭子東

題畫竹

吳松江水似清湘煙雨孤篷道路長寫出無聲腸斷句竹雞
號處竹蒼蒼

陳袞

一首

袞字廷章建昌新城人成化丙午舉人除天台知縣
改青田遷儋州知州汀州同知

仰山

絕頂龍淵照碧空亂雲殘霧一重重斜陽收拾丹青稿畫出
溪南雪後峯

明詩紀事

貴陽陳田輯



費宏

二首

宏字子充鉛山人成化丁未第一人及第授修撰歷
贊善諭德太常少卿兼侍讀擢禮部侍郎進尚書兼
文淵閣大學士參預機務加太子太保進武英殿大
學士改戶部尚書致仕嘉靖初起原官加少保進吏
部尚書謹身殿大學士再進少師兼太子太師華蓋
殿大學士卒贈太保謚文憲有鵝湖摘稿二十卷

田按世宗朝先以議禮次以齋醮君子小人迭爲消
長然其初政如費文憲楊文襄石文隱輩未嘗不傾

心延接君廣臣和史稱帝御平臺賜宏御製七言一
章命輯倡和詩集署宏銜曰內閣掌參機務輔導首
臣嘆其尊禮前此未有余檢宸章輯錄帝賜文憲詩
云每從古訓尋治理歌詠研磨陶性情詩成朕意或
未愜中侍傳宣出紫清賜文襄詩云才兼文與武內
外資安攘寬朕西顧憂遂使吾民康賜文隱詩云卿
以延薦入性資特剛方在木類松柏在玉如珪璋可
否每獻贊忠實無他腸張璁桂萼以議禮貴忌宏龍
夢言詩文小技不足勢聖心且使宏得馮寵靈棲壓
朝士未幾宏璫皆去一清被傾陷發憤疽發背死而
璫致仕後卒且得下諡矣

雨霽

雨霽郊原潤春深景物妍煖雲低覆樹流水漫成川徑草碧
如翦檻花紅欲燃呼童理耕稼生計在農田

睡起

習閒成懶百無功塵事難侵世累空睡起呼童向籬落菊花

枝上促青蟲

石璫二十首

璫字邦彥藁城人成化丁未進士選庶吉士授檢討
歷修撰南侍讀學士國子祭酒擢南吏部侍郎召改
禮部兼翰林學士掌院事拜本部尙書掌詹事府事
進吏部入內閣專典誥敕尋詔以吏部尙書兼文淵
閣大學士參預機務進太子太保武英殿大學士加
少保乞歸卒謚文隱隆慶初改謚文介有熊峯集十

卷

四庫總目璫出李東陽之門東陽每稱後進可託以柄
斯文者惟璫一人璫詩文皆平正通達具有茶陵之
體

列傳記文隱詩歌成一家言少師李文正曰邦彥詩

詞皆中矩度而七言古詩尤超脫凡近刻所不及
藝苑卮言石少保詩如披沙揀金時時見寶
靜志居詩話少保爰立在永陵初年是時諸臣以讓
禮忤旨帝初欲爰以自助而顧直自守至三封內批
帝心弗善也故雖位列中台其詩多壅塞而不暢如讓
云亟勉二十年十事九失意又云人生值命薄所遇
多不平又云誰云日偃仰亦復成局促又云趾發物
已连意行悔相連又云軒冕豈不華一喜生悵惕又云
云幡幡鳴春鳥解使朝變昏又云古來忠與邪往往
激褊淺久云苟移造化柄儻士亦易榮又云甯爲白
璧碎不作脂與韋甯爲鈍劍折不作鈎與錐又云事
去朝露空安辨窮與達又云牋誥日紛綸君臣互相
訣但聞都俞聲無復喟興吁又云終然千古下忽有
知已歎盡當日綸屏之間未盡和衷之雅一傅眾咻
誰與爲善乃知人生不得行胸懷作相與不遇等也
因按少保立朝獄棲方不肯隨人作計詩亦清音

擬古傷歌行

沈嗣人

葉落花殘君不見春來秋去如飛電富貴千年劫火灰邱陵

幾度桑田變五侯高樓臨大道寶釵金鉗埋秋草張放甯知
金穴平楊家一日冰山倒君看荒塚饑荆棘當年俱有同天
力勸君對酒且高歌莫負庭前芳草色

有所思

雙星熒熒隔秋水秋入城頭漏聲裏窗間梧桐風瑟瑟青鳥
南飛月華白朱絃一撥意已傳夢繞博山雙紫煙藕絲易脫
雲易散十二碧峯秋雨前

短歌行

苦霜凋綠華耿耿抱香死快刀割直絃一斷不可已翠袖弓
鞋雙黛眉香輪回首淚沾衣采雲一散無消息惆悵綠鬟生

雪絲

登臨篇

登高邱臨清流驚濤拍岸風蕭颯東奔到海何日休浮生聚散類萍梗滿地花草凝閒愁士雅空擊大江楫仲宣復上荆南樓日落蒼梧思帝子風生蘆葉按伊州富貴豪華成莽蒼斜月窺林影千丈誰家金鷗草猶黃舊日歌臺人竟往舊人已往新復來仍張寶瑟勸金杯流魚偶與水相得長嘯不知山欲摧鬢毛未白心成灰城南唳鳥聲絕哀仰天奮頓一起舞蹋碎石濠千古苦

清夜遊

宮夜冷冷月華白嬌騎踏空紅墮雪西園門外獸鼓聲十六院中樂齊發楊郎蕭郎各一席千牛轝倚宮娃泣坐中誰是

陳宣華寶帶猶拴同心結芰荷風柔酣海闊錦綉紗樹曉雙
鴉侍臣自舞王自歌嘶燭香鉢金縷紗佛經僕射呼不起梁
燕才人竟冤死潼關烽火照宮紅猶自心輕漢天子龍舟翩
翩破白日醉擁笙歌南下疾一聲悲鐸不堪聽至今江柳生
愁色

斌媚謡

斌媚復斌媚不道李與桃阿嬌十四著繡袍錦襍雙佩并州
刀自從貞觀見天子宮粧艷麗朱鞋高親挑佛燈誦佛語遜
近君王淚如雨未央前殿恰垂簾白馬道場齊抱杵提兵誰
遣太法師縛賊親煩長公主大雲經梵不足聽天堂火發延
御屏雨露新歸奉宸監浮屠鬼戰金輪庭李花不聞媚娘舞

骨肉不如嚴下士

有所思

東風二月揚新沙憶醉燕南豪士家狂歌劇舞共春色正值
東隣桃始花情深每厭箏笛聒意放不遣山林遮船頭詩篇
船尾酒解纜直下清溪涯太原喬生興踔絕偏愛漁蓑冒風
雪杯空正自吸流泉月出先判宿嚴穴封龍山人意原苦坐
覺悲風起草俎鬢星豈乏長安塵衣斑尙帶西湖雨百年離
合江上雲萬事紛紜江水紋千里夕陽春草綠停雲空憮鮑
參軍

送伍朝信守寧波

官柳風柔拂酒盞渭北江東意何限五馬誰驅高蓋車畫省

秋雲猶滿眼纍纍肘印腰帶黃太守年纔三十強閭門不敢
鳴駒過里中長者多父行高堂日遲采衣舞一觴一詠聲琅
琅紫薇鉅公顏色揚諸孫繞膝兒繞牀牀頭經史映簪笏膝
下歡娛殊未央親恩君寵兩磅礴膏雨還隨使車落深村無
吠尨公府多神雀愛月還登鎮海樓尋幽或到燒丹壑鏡川
幾曲春澄澄人言使君如水清棠陰無事坐舒嘯惟聽江聲
雜鳥聲

新雪

雪意已崇朝凌風葉旋飄著衣初點點入竹故蕭蕭翠壁誰
凝望青帘久費招期君坐今夕燒燭看瓊瑤

遊北寺亭上人後園

偶爲尋詩出穠華觸眼新鳥歌行酒地花覆倚欄人風簫渾
無譜蟲書太逼真絕勝絃管夜紅袖舞香塵

喜晴

幾日多風雨新晴乍可憐青山當屋猶自鳥到花前埽樹祛
塵夢揮毫著短篇不須登漢闕有思欲凌煙

同陳宗之諸同年飲雞鳴山憑虛閣時羅太常景鳴作
倡

二月到金陵秋山始一行人間無此地坐上得清卿痛飲平
生侶高樓萬古情蓬萊在何處縹渺暮聞笙

五日

角黍千年恨魚龍五日驕湘潭如可作楚詞不辭招落日明

帆影南風暗柳條賈生心自壯安用羨乘潮

易州道中

西風羸馬經行地易水長城是舊都壯士入秦名尙在客卿
歸趙勢全孤高臺歲久黃金盡古塞秋深白雁徂聞道關門
猶鎖鑰太平天子慎防胡

春暮見鶯

百花開盡聽鶯流一嘲能添數種愁巧舌傍人何太苦春光
隨水已難留心驚陌上誰家笛夢破城南少婦樓柳色萬行
聽不斷莫牽詩思到揚州

早朝追和匏老韻

蓬萊宮闕玉爲橋曳履年年侍早朝鏞靄著衣如過雨御溝

搖月欲生潮未排閨闥心猶壯纔望金莖渴已消奏罷從容過東觀五雲隱隱聽笙簫

天寶宮詞

龍池樂上練裙飄珠履金璫稱舞腰舞罷芙蓉冠欲墮殿頭傳旨賜含消

唐武宮詞

宜春苑外兔初肥長從君王射獵歸一色赭袍飛雨騎外人不辨是賢妃

蒲鷁曲

蒲梢短短半厭水蘋芽白白應滿池夏蟲葉上相思字苦竹叢中腸斷詞

七夕

七月七夕風雨多
御橋南望水增波
鴛鴦自向沙頭宿
不管牛郎信若何

蔣冕

二首

冕字敬之全州人成化丁未進士選庶吉士授編修
歷中允諭德侍講學士少詹事擢吏部侍郎改掌詹
事府典誥敕遷禮部尙書兼文淵閣大學士參預機
務進武英殿大學士加太子太傅少傅改戶部進謹
身殿大學士乞休落職閒往隆慶初復官謚文定有

湘皋集三十三卷

田按文定嘗著琅山詩話專紀邱丈
莊詩相業遠過琅山詩則未逮也

元夕應制

四海春風共一家韶光先到上林花星橋曲曲通銀漢火樹
叢叢結綵霞佳氣煖浮雙鳳闕瑞煙晴護六龍車繁華不作
揚州夢一曲昇平月未斜

望君山

清蘭江芷入秋多望裏君山恰一螺欲向老眸求鐵笛夜深
吹徹洞庭波

毛紀 三首

紀字維之掖人成化丁未進士選庶吉士授檢討歷
修撰侍讀諭德侍講學士進學士擢戶部侍郎改禮
部再改吏部拜禮部尙書典誥敕掌詹事府兼東閣

大學士參預機務加太子太保改文淵閣大學士進少保戶部尙書武英殿大學士再進吏部尙書謹身殿大學士乞致仕追論議禮奪官以恩詔敘復贈太

保謚文簡有鼇峯類稿二十四卷

田按謝文正致仕復起以楊文襄不爲之下而歸費文憲復起毛文簡有推讓名次疏云臣那少保偶在宏先僉議謂臣列銜立班宜居其上竊惟宏加秩雖在臣後而宏入閣則在臣先宏學識才猷過臣甚遠恐不可輒以爵銜論也庶幾可以愧贖進者小詩亦有清歌

銅雀硯

荒臺野燒青古瓦寒雲滴卻把蘸詩毫東風弔赤壁

聽松卷子

蒼苔白石坐閒顏盡日無塵鶴夢間起向前溪一洗耳濤聲

隨雨落空山

題畫

峯前蘚路石繁迴深樹柴扉面水開城市看山多向畫幾人
身到畫中來

吳廷舉

二首

廷舉字獻臣梧州人成化丁未進士除順德知縣遷
成都同知改松江擢廣東僉事歷副使劾中官逮繫
獄戍雁門赦免擢江西右參政乞休起廣東右布政
使召爲右副都御史遷工部侍郎改兵部南工部戶
部遷右都御史巡撫應天進南工部尙書謚清惠有

東湖奏疏西巡類藁

列卿記廷舉作詩效陳白沙
國史唯疑吳廷舉初請從李獻吉學詩言譽不諧爲
所陷怒相排抵免官去後顧疏薦李余誦李放歌云
東湖子君非淟涊閭闈之丈夫余亦豈卑卑與世而
浮沈恂復共鬪非虧劣廉萌終投萬古欽吳亦報之
詩夫既覲顏面豈不恆素心如何異同論三兩相參
差蓋兩公皆偉人負氣不下微生睚眦旋消釋久矣

送李世卿還楚

文章伯仲歐陽子道德平交李老君歸去大崖了何事坐分
江月看山雲

宿玉蟾寺

川北湖南一水通生涯半寄祝融峯此身尙逐雲來往又挂
玉蟾山上松

陳鎬

〔首〕

銘字宗之南京欽天監籍本會稽人成化丁未進士授禮部主事改南吏部厯郎中出爲山東提學副使厯江西參政進湖廣布政使以平賊功就遷右副都御史巡撫湖廣謚清肅有矩菴漫稿

續金陵瑣事年卷陳公鄉邦麟鳳有矩菴集余求之三十年不得偶遇吉巖顧司理案頭見矩菴詩一卷錄之以寄景仰謁定山云定山今在眼夫子道云亡

胡善功名薄耶曹鬢髮蒼青天知出處白璧愛文章

無限停駕意
蘋花遺澗香

遊靈巖

予豈邱壑士每有煙霞想况茲佳勝地興到成獨往振衣一舒嘯千古發幽賞竹泉繞青壁霧雨翳林莽超然會夙心斯嚴信蕭爽

楊廉一首

廉字方震豐城人成化丁未進士選庶吉士授南戶科給事中改刑科再改南兵科厯南光祿少卿太僕少卿順天府尹擢南禮部侍郎進尙書贈太子少保謚文恪有月湖集四十八卷

題畫

山高逕路微林深茅屋小讀易者何人焚香坐清曉

王鴻儒六首

鴻儒字懋學南陽人成化丁未進士授南戶部主事厯員外郎中出爲山西僉事進副使謝病歸起國子祭酒再起南戶部侍郎改吏部進南戶部尙書卒謚

文莊有疑齋集九卷

田按尙書以名德重頗稱好事嘗獲陳后山集錢版行之詩亦清俊不凡

襄陵分司

遊歷關河迹似萍塵襟到此頓然醒萬竿綠玉眞淇澳一點
青螺小洞庭魚藻浮游時近檻鶯花爛漫好閒榆水南居士
今陶謝恨欠新詩落素屏

自嵐縣至興縣

自將行李出并門此地真堪一斷魂樵牧徑荒惟有寺逃亡
屋壞不成村澗堆墜石灘聲壯峯過閒雲樹色昏洞口薜蘿
含夕照虛疑世外有乾坤

京華秋興

鵝鴨高寒紫殿陰金壺銀箭夜沈沈洞簫賦美當誰賞紈扇
詞工設獨吟暫狩長楊沿漢制終思茂草戒虞箴屬橐猛士
應多從傾耳西風玉輦音

至後三日雨連日

江南冬月氣猶溫風雨瀟瀟至後繁鍾阜雲迷禪寺塔秦淮
潮上酒家門閒來訪戴難乘興老去遊吳易斷魂何似鄉關
醉呼騎短衣衝雪獵平原

擬楊鐵崖小遊仙詞

二首

酒墟客舍已塵埃憶與同公舊往來鐵笛一聲塵夢醒岳陽
樓下水如苔

戲拋白鳳下清冥黃鸝樓頭雨正晴十八女郎歌勸酒人間

誰識是龍精

吳儼一首

儼字克溫宜興人成化丁未進士選庶吉士授編修
歷中允侍講學士掌南翰林院以忤劉瑾罷官瑾誅
復職擢南禮部侍郎進尚書贈太子太保謚文肅有
稿四卷

四庫總目儼當何李未出以前猶守明初舊格無鉤棘
塗飾之習其才其學雖不及李東陽之宏富而文章
局度春容詩格亦復閑雅往往因題寓意不似當時
臺閣流派沿爲膚廓雖名不甚著要與東陽肩隨亦
足相羽翼也

聽鄭伶琵琶

鄭伶名價重江東五百梨園伎盡空子夜猿曉殘月白上林

鶯老落花紅江頭商婦愁無限塞外明妃恨不同可惜曹綱
今去遠何繇兩市門西風

羅玘二首

玘字景鳴南城人成化丁未進士選庶吉士授編修
歷侍讀南太常少卿進本寺卿擢南吏部侍郎引疾
歸嘉靖初謚文肅有圭峯集三十卷

藝苑卮言黃五獄省曾言南城羅公玘好爲奇古而
率多怪險僂仰之辭居金陵時每有撰造必棲踞於
喬樹之巔遐思天想或閉坐一室客有於隙閒窺者
見其容色枯槁有死人氣皆緩屢以出都少卿穆乞
伊考墓銘銘成語少卿曰吾爲此銘瞑去四五度矣
今其所傳圭峯稿者大抵皆樹巔死去之所得也

國史唯疑羅圭峯山輸粟入監年四十餘祭酒邱文
莊公議南士不聽北留羅固請至再三受朴不挫面
數之曰若能識幾字崛強乃爾大聲應曰唯中祕書

未讀耳邱異之識其名堂柱再試文奇甚六館士莫

有及者驚嘆爲延譽於朝遂以其年發解聯第蔚爲

名儒

田按景鳴鄉舉出西涯之門西涯依違劉瑾景鳴寄書責之云屢更變故雖嘗貢書然不敢頻頻者恐彼此無益也今則天下皆知忠亦竭矣大事亦無所措手矣易曰不俟終日此言非欺彼朝夕獻諂以爲當依依者皆爲其身謀也不知乃公身集百謫百歲之後史冊書之萬世傳之不知此輩亦能救之乎白首老生受恩居多致有今日然病亦垂死而不言誰復言之伏望痛割舊志勇而從之不然請先削門生之籍然後公言於眾大加誅伐以彰叛恩者之罪生亦甘焉此書可以報舉主矣景鳴文章綽有矩範詩非所長作文至嘆去四五度劉彥和文章傷命之戒諒哉

送萬典史之黃岡

城腳更無地門開直到江縣樓對魚市驛舍接船窗鳥立藏
蛇竹蟻緣繫馬椿聽琴還聽笛不是故園腔

和江殿讀齋居韻

漠漠昏鴉飛遠堂抱稠吾恰到西廊設拈短燭尋詩壁笑見
斷帆支敝牀家遠青山難入夢時清白首好爲郎不慚衰朽
迎歸蹕貧看船航集萬方

傅珪 一首

珪字邦瑞清苑人成化丁未進士選庶吉士授編修
歷中允諭德降修撰尋遷中允厯侍讀學士翰林學
士擢吏部侍郎進禮部尙書致仕嘉靖初追贈太子
少保謚文毅有北潭集八卷

田按邦瑞在正德朝遇事直言權倖側目矯旨致仕
杜門謝客足迹不至郡閭圍城西蒔花木日與親舊
飲酒賦詩爲樂郎山萬洪山皆郡之勝攜客
往遊峻絕幽邃人所不至之地皆留題而去

元宵應制

清夜香生螢路塵
蓮花如錦月如銀
君王別有光明燭遍照

窮檐蔀屋人

李文祥

一首

文祥字天瑞麻城人成化丁未進士選庶吉士以言事謫咸甯縣丞旋用薦召爲兵部主事坐事下獄貶興隆衛經歷經商城渡冰陷死有儉齋遺稿

堅孤集成化中萬安子冀登進士官至侍郎冀子安璧成化丁未復倅雋麻成李文祥爲其同榜負才名將對大廷安欲以宏璧託之因許及第使延別館致款屬題書鵝文祥奮筆題詩有春來風雨尋常事莫把天恩作已恩句安銜之弘治初有媒孽文祥者謫興隆衛經歷李西涯贈詩戒酒不從花底醉愛舟多在水中居後文祥被酒過河冰陷溺死人以爲識

登岳陽樓

萬家煙火擁孤城一上高樓百感生往事悠悠東下水夜船

燈火枕江聲

鄒智一首

智字汝愚舍州人成化丁未進士選庶吉士坐誣下

獄謫石城所吏目有立齋遺集五卷

四庫總目智詩文多發於至性不假修飾之功

雙槐嚴鈔鄒吉士汝愚謫雷州千戶所吏目道吾廣

有司留館坡山士民爭先謁焉其同年蒼梧吳獻臣

廷舉尹順德令邑民李煥於古樓村建亭居之扁曰

謫仙弘治辛亥十月卒獻臣往治其喪適方伯東山

劉公大夏至邑不暇出迎廉知其故反加禮待其資

鄭還其喪獻臣自是知名白沙陳公甫追次汝愚詩

曰遷客一亭遺海濱當時誰號謫仙人花汀柳市無

疆界盡是乾坤一樣春獻臣和日浮雲浩浩南海濱

落月獨照窮愁人猿藉幾株桃李樹謫仙亭上河隣

春

辭朝

洪武卷九

雲韶聲靜拜彤墀轉覺心驚不自持罪大故應誅兩觀納疏
猶得竄三危盡披肝膽知何日望見衣裳只此時但願太平
無一事孤臣萬死更何悲

靜志居詩話立齋以吉士建言請黜萬安劉吉尹直
三小人而進用王恕王竑彭韶三君子泰陵初政不直
報既而萬升被彈事去劉獨銜憾刺骨疾其黨攻吉
中書人湯御史鼐辭速立齋及劉基州概李主事文
祥董河陽傑謂數人以詩酒相結納互相標榜詆毀
朝政慨然疎書云夜夢一人騎牛將墮硤手挽之不
仆又見鼐執五色石引牛就道人騎牛者朱也以爲鼐
雖將有扶持社稷之力法司周內坐以妖言惑眾律
罪當死賴王端毅何文肅徐文靖諸公力持之得生
而立齋遠謫化州千戶所吏目旣踰歲從陳文恭講
學未幾天折惜夫其獄中詩云人到白頭終是盡事
垂青史定誰真夢中不識身猶繫又逐東風入紫宸
只此時放臣逐客讀之尤爲悽斷

李堂

二首

堂字時升鄞人成化丁未進士授工部主事歷員外
郎中遷應天府丞南光祿寺卿擢南左僉都御史召
爲工部侍郎總理河道引疾歸有堇山集十五卷

東錢湖絕句

二首

深山何事仆穹碑石穴金丸禍已隨莫歎師王空一榔穆陵
遺事更堪悲

楚王宮殿七浮圖殿址層層漫綠蕪幸有老松人不翦滿林
落日正帆鳥

夏錄

四首

錄字德樹天台人成化丁未進士謁選入都疏請復

李文祥鄒智官罷劉吉忤旨下獄尋釋除大理寺評

事有赤城集二十三卷

田按德樹以讖論
著詩亦迥不猶人

東關歸路

七舍東關路還家卽勝遊水清如擁鏡山好只移舟江唱曹
娥晚嶺謠天姥秋途窮鄉語入台越此分州

春日紀遊

相尋出郭消憂地不近山樵近澤漁細水隨行人箇箇晴沙
擁坐柳疏疏林鶯起徙雙歌罷市酒提攜一笑初謙徹杏園
仍浪迹不才多病欲何如

立春日白齋所居作

故園春風又一吹脈脈還來動酒卮豈少梅花笑幽處更饒
江色弄晴漪衰遲正苦鄰人遠懶惰偏宜俗子嗤接笑暫同
三徑裏柴門竹影共移時

官舍對菊

雨撥黃花點晴軒漆几幽但看無意採不是故園秋

楊子器

一首

子器字名父慈谿人成化丁未進士知崑山高平嘗
熟三縣擢吏部主事歷員外郎中出爲湖廣參議遷

河南布政使有柳塘先生遺稿

都公譚纂慈谿楊名父子器爲詩敏捷下筆數百言
不屬草一日余與楊君謙同會名父鴻立成數律
君謙曰君之才敏捷堪奉使外國足以驚倒夷人名
父曰吾詩不行於中國僅可驚番人乎相顧一笑

元順帝宮詞

練楫鬢紫頭纏金繡雲肩翠玉纓學舞天魔縱擺隊長安
又領接番僧

周旋一首

旋字克敬慈谿人成化丁未進士授兵科給事中出
參廣藩有西溪小稿

秋思

倚杖獨行吟蕭條楚客心寒潮侵曉岸商籟響秋林俠氣老
猶壯窮愁閒轉深彷徨凝望久西北起輕陰

盧潛

一首

潛字希哲天台人成化丁未進士授刑部主事厯員

外郎中出知黃州府改南安邵武有渺粟稿黃州集

九日遣興

江南鵠雁隨雲沒江北黃花冒雨開客裏光陰年似月眼前
愁緒去還來誰將玄髮看庭樹且對青山促酒杯一笑樊籠
吾分在錯教鷗鳥浪相猜

文森

一首

森字宗嚴長洲人溫州守林弟成化丁未進士知慶
雲縣改鄆城擢浙江道御史建言廷杖致仕起爲河
南道御史遷南太僕少卿擢右僉都御史有中丞詩
集

邵伯道中

去日流火來肅霜蒹葭大澤鳴鵠鶴蟄龍已卧忽人立遠山
將盡如眉長古寺斷碑羅隱偈碧灣丹樹謝公棠舵樓北望
風煙直好共乘春早雁翔

陸完

一首

完字全卿長洲人成化丁未進士除監察御史出爲江西按察使擢右僉都御史巡撫宣府改南院督江防軍召爲僉都御史遷兵部侍郎進右都御史加大子少保改左都御史拜兵部尙書改吏部坐納宸濠賄論死議平賊功減死戍福建靖海衛有水村集

王元章梅

月落參橫興已空鑑湖清灔夜推篷消磨不盡惟豪氣猶在

疏花淡墨中

林光一首

光字緝熙東莞人成化己酉舉人除平湖教諭遷國子博士改襄陽府長史有南川集

石門

遠水接長隄疏松遶斜谷入寺不逢僧一犬吠深竹

明詩紀事

貴陽陳田輯

丙籤

姚綬 四首

綬字公綬嘉善人處士徵子天順甲申進士授監察御史謫永寧知縣有穀菴集十卷

楊循吉松篠堂集姚公綬解官歸所居在大雲里東
饒水竹作室曰丹邱嘯咏其中人稱丹邱先生又作
滄江虹月之舟遊泛吳越間善書法鑄王勁婉咸妙
畫初學水墨後進學唐品得古意
四友齋叢說嘉興姚雲東工詩喜畫善臨摹其臨趙
松雪王叔明二家畫墨氣皴染皆妙閒寫梅道人竹
石亦蕭洒可愛
六硯齋筆記姚雲東小景好作沙坳水曲孤釣獨吟
其潤幅重林遠汀著四五漁船而已此公壯歲入中
臺不及攬轡駿鷺晚年好道向平之願蚤畢三山五

獄之殷懸而未試

直以逸趣自寫胸中而已未可以

文沈作略慨之也

書史會要姚綬書類張伯雨

詩頗清麗不著

一座皆盡妙絕一時

初號穀菴又號雲東子蘭臺逸史

老農上清仙吏天田老農上清仙

更嬾仙仙癮紫霞碧月翁並著人間

唯丹邱先生爲

尤顯平生慕張貞居之爲人所見

片紙隻字無不收

藏嘗得其鐵冠與遺像爲撰句曲外史

小傳鐵冠歌

云昔爲柱史冠鐵冠者句曲外史入中仙

此冠已餘

林下不類峩然鐵冠者句曲外史入中仙

此冠已餘

百年紹班鈔鐵鐵欲穿

棱棱巧製銅色妍黃篾樓

中想應貯玉鉤

樓邊舊行處二儀三綱浪得名竹簾

鹿皮無此清芙蓉吐花金玉并

鐵葉細薄不易成外史

史星墳月明夜醜禮茅君鶴曾借出

塵風度向誰彈

坐看瑤池碧桃謝予號逸史雲之東

髮已種種今成翁冠乎冠乎磨冷

性烈今不如作冠甯住仙人

居流落四海幸屬予著

之稱我青霞祖

田

勝於書勝於詩

桐鄉小隱詩和韻

河流南入市徑路北通村新結草堂好舊栽桐樹繁兒童知稼穡鷗鳥識琴尊有客問奇字乘舟直到門

錢舜舉山居圖過語見溪賦

舟中賴此能消日半匹溪藤意趣多晝曳畫圖凌晉宋貞居詩話逼陰何山回樹繞門空設雨過風輕水不波誰個躋攀窮險阻一聲長嘯出煙蘿

田按錢舜舉浮玉山居圖卷紙本七分用墨三分設淡綠色華法絕類辋川有黃公望倪雲林顧阿瑛仇山村鄭元祐楚石道人諸題跋舜舉自題云臘彼南山岑白雲何翩翩下有幽接人嘯歌樂徂年藜石映清泚嘉木澹芳妍日月無終極陵谷從變遷神襟軟寥廓與寄揮五絃塵影一以絕招隱矣足言張貞居於至正戊子得於書肆訖爲景趣旣高筆墨精妙詩亦雅麗非近人語利韻云秋風動巖樹歸鳥何其翻我思巖中人可以樂忘年夫君乃詞客畫手故作妍吳興圖畫數詎隨時好還上巖雲積雪下巖水鳴弦

展卷幾尺許坐對兩無言成化癸卯公綬得此卷於

璜溪沈氏鬻爲至寶

題詩

至廿餘首此詩其一也後

又歸項墨林天籍閣

國朝康熙中此圖爲安儀周

所得著錄墨緣彙觀安氏中落購入

內府光緒甲午此圖復流入人間余獲見

舜

舉山居圖二

一爲二

紀題者係金碧山水一爲此圖以淡綠和墨靜穆之

趣超乎塵表五百年來無此作矣題爲浮玉山居者

以鄭遠昌題有餘不之水浮玉山句也此圖亦著錄

十中丞式古

堂書畫考

脩竹仕女圖

瑤臺無信託青鸞一寸芳心思萬端莫向東風倚修竹翠衫
經得幾多寒

題畫

秋風吹空古樹葉白雨壓低新竹枝淨埽石牀看暮色滿襟
涼影鬢絲絲

李應禎 一首

應禎名甡以字行更字貞伯長洲人景泰癸酉舉人授中書舍人遷南兵部郎中尙寶司卿太僕寺少卿有李氏遺集

甫田集太僕書魏府君碑謂徵明日吾學書數十年今始有得然老無益矣子其及目力壯時爲之因極論書之要訣凡運指疑思吮豪濡墨與字之起落轉換小大向背長短疏密高下疾徐莫不有法公雖潛心古法而所自得爲多其尤妙能三指尖搦管虛腕疾書今人莫能及藝苑卮言少卿書人有求者多怒不應故傳世者少書史會要少卿真行草隸皆清潤端方如其爲人文震孟姑蘇名賢小記范菴公入太學中官牛玉聞其名延爲弟子師公不往以善書選中書舍人故事中書班列給事御史上近輒易其次公上書爭不報中旨詔諸舍人書佛經公言天下國家有九經未聞佛經也上恚廷杖公幾死致仕歸郡守劉某征歛苛急人呼白面虎公作虎渡河詩致之公博學能詩書

法自成家然每耻以是名清羈果
穀侃侃終始真吳人士之神祇已

和邱時雍太守

解印歸來草結菴蓬人便欲口三緘鬢將半禿甯忘世骨未
全消尙畏譏別墅貯春常載酒晴湖泛月不張帆年時種得
梅千樹要看花開雪滿蠟

周鼎

四首

鼎字伯器嘉善人以軍功授沐陽典史有桐村疑舫
齋士苴等集

南藻詩話柯博士九思在奎章日得出人內廷後失
寵退居吳下虞文靖公作風入松詞贈之中亦微露
此意予聞柯嘗畫黃鸝白頭題詩二絕白頭云春濃
不放小禽接白髮衝冠向曉噦簾幕半闌人未起樓
臺風暖日猶低黃鸝云春風嬌軟綠陰肥土苑鶯花
紫翠圍卻向後宮深院裏一枝閒自理金衣近嘉興

周丈伯器畫題二圖爲子誦之詩云奎章閣下老詞
臣吟徧滌花上苑春回首金衣閒自理綠陰多處少
風塵重重羅帳護輕寒聽徹春禽午夜闌無限江南

歸興

裏不將華髮漫衝冠蓋用其語而反其意也

弇州四部稿

伯器書結法齋灑

田按伯器工書善賞鑒名人書畫往往見其題跋小

詩亦有

風致

留別張廷端

野亭芳樹下崖石大溪南客去閒秋色雲來作暮嵐誰家留
信宿何處倚清酣拾得琅玕竹時時寄一函

晚坐

胡牀高柳下團扇入懷新笑指纖纖月蛾眉學未真

寄叔莊

郭外何須二頃田江湖春水綠如煙扁舟蕩漾不歸去日暮

蘋花風滿川

漁村

湖上吹煙一縷輕隔林聞得紡車聲漁村風景偏宜晚幾幅
斜陽透網明

林景清

二首

景清號竹窗閩人成化中貢生官興國州判

歷代詩選徐興公云竹窗雅善草書吾鄉自永樂中王太史孟揚工於八法繼孟揚者竹窗也書法之妙不減

不減
吳興

寄陳野航

明月光沈水底天野航常傍荻花前山翁吟罷如泥醉一枕江風自在眠

一清軒感舊

往事淒涼似夢中
香匱人去玉臺空
傷心最是秦淮月
還對秋閨燭影紅

金琮 一首

琮字元玉上元人自號赤松山農

金陵瓊事山農金元玉書初法趙子昂晚學張伯雨
精工可愛落筆人便持去吳中文徵仲極賞之凡得
片紙裝潢成卷題曰積玉畫梅花有逃禪老人筆意
自題絕句云十別西湖未得歸孤山風月近何如春
來牋有看花興又向君家寫折枝
顧起元客座贅語金元玉嘗遊浙之赤松山愛其佳
徘徊不能去因自號赤松山農居常遐視清嘯人莫
能窺王公貴人雅相傾慕非先施未嘗一至其門
辛丑消夏記蔡之定云赤松銳於臨池每夜作書以
五寸燭爲度燭盡而止其勤如此其書品在莫雲卿
之上

駐景亭春日漫興

幾日春陰嬾出城。不知時節近清明。
青春公然背我去。白髮忽欲滿頭生。
殘酌自來池上。了好詩偶在雨中成。
南原明日開晴色。到處看花約伴行。

蔣文藻

三首

文藻名元素以字行嘉興人

六硯齋筆記蔣文藻林塘與姚冉邱同隱大雲執師資之禮書畫步趨丹邱有酷肖者所作叢竹老木尤蒼勁有致人或以文雅稍怯輕之然亦有樸野真率不失山林氣味者

野步過田舍招飲

吳蠶上簇桑柘空。薔薇花開村徑紅。
野夫飽食一無事。緩步小橋西。
復東黃鸝緣陰曉。不歇路轉卻逢田。
舍翁殺雞留飲

話疇昔葦箔稍稍來南風

偕丹邱先生過蕭山竹林寺醉題壁間

門徑蕭蕭竹半池喜逢新夏亦秋時長林不卧嵇中散古字
猶存張卽之潮打山城鐘渡水雨飄經閣燕妨兒一尊除卻
眞閒事醉裏瞿曥是阿師

盧儒二首

儒字爲已崑山人天順初中書舍人有重齋稿

水東日記盧重齋博學能文善筆札文學韓柳書學
歐顏自負甚高時流罕及
梅花草堂集盧爲已勤學有文頗自負人有請其稿
苔帆捧腹曰彼中有苟卒難相盡以薦拜中書舍人
時備顧問上嘗命作雪賦
頃刻立就盡屈其同事者

樂靜爲謝庭循賦二首

樂靜爲謝庭循賦

二首

宴居坐軒屏翛然愜情志竹樹搖清風漸遙生幽思埽花憇
春還留尊須客至昨與靜者期山中話幽事

靜觀人間世萬化相尋繹百年倏能幾而不養心迹垂簾閉
深清滿庭芳草積啼鳥時一聲山窗破幽寂

朱應祥

二首

應祥字岐鳳松江華亭人成化中貢生有鳳山稿

陸深倣山詩話鄉前輩朱岐鳳敏於辭翰爲一時所
驚服

雲間雜識點易臺朱鳳山應祥讀書之所也朱性迂
狂嘗謂錢文通公曰予在點易臺讀公詩至不善處
恨不得長竿一擣公頭放言若此
醫史會要應祥博學工詩善行草

梅花道人墓

梅老清風不可招
橡林寒日雨蕭蕭
武塘一曲煙霏外
山寺

鐘聲落暮潮

麟溪道中

一川流水半村花
舊屋南隣是釣家
長記歸篷載春釀
雲籠殘照雨鳴沙

朱存理

三首

存理字性甫長洲人有野航集

甫田集性甫詩精工雅潔務出新意得意處追躅古

人四友齋叢說野航葑門老儒在荻扁王氏教書與主人晚酌罷主人入內適月上野航得句云萬事不如杯在手一年幾見月當頭喜極發狂大叫扣扉呼主人起咏此二句主人亦大擊節取酒更酌明日更請吳中善詩者賞之大爲張具徵戲樂留連者數日吳中舊事其風流致足樂也續吳先賢贊存理工篆籀祝肇金石契性甫書闕晉戶吟升朱堂

靜志居詩話性甫晚年摹刻已詩疏曰嘔心少日已無錦囊之才流淚終年空有碧雲之嘆髮白因其搜羅群黃費我推敲抹去若干存來十一欲望收拾在後子孫莫若流傳先自朋友其情甚爲可憫祝希哲贈詩云書抄滿篋皆親手詩草隨身半在舟沈就南題稿云雖止百篇諸體備不拘一律大方諧惜乎其

稿罕傳矣
田接性甫好藏書手自鈔錄精微不苟又好硯鑒別書畫自記謂消除歲月惟品硯借書鑒畫三事而已所輯鐵網珊瑚萬厯時爲常熟趙琦美所得增錄數卷雍正中年希冀鏤板行之又珊瑚木難八卷至今好事家多有鈔本元季明初吳中薈俗好古之士多以文史自娛南園俞氏笠澤盧氏盧山陳氏書籍金石之富甲於海內景天以來若葉文莊吳文定都元敬杜東原邢公齋沈石田文徵仲錢孔周間秀卿獻章甫趙與哲之流多手自鈔寫流播人間余嘗謂其精冊名編此吳人獨絕者也

人日卽事

新雪生寒曉欲消河冰漸解晚生潮庭禽初哢先聞鵠闕卉

將萌未及蕉故事題詩聊歲歲野人行樂自朝朝從渠寂寞
如顏巷漫有春風酒一瓢

垂虹橋送戴明甫歸休甯

寶帶秋波啟別筵垂虹晚日送行船白雲似與越山隔明月
還同吳地懸後夜相思各杯酒來年重會牋詩篇殷勤再寫
橋頭景江冷丹楓歲暮天

九日松下

松下行行二三子書聲白晝草堂閑老夫把卷仍自讀舊雨
到門今不來苔石無塵棋局在莎汀有水釣船回秋風籬落
偏蕭索獨嗅寒花持酒杯

明詩紀事

貴陽陳田輯



秦旭七首

旭字景陽無錫人有修敬先生集

田按景陽詩境閒適讀之令人意達成化壬寅與陸
勉懋成高直惟清陳履天澤黃祿公福楊理叔理李
庶舜明陳懋行之施廉彥清潘緒繼芳修碧山吟社
於惠山之麓若冰洞之前黃公洞之上時舜明年八
十九景陽八十五天澤八十三懋成八十二惟清七
十九公祿七十三叔理七十二行之六十九彥清六
十一繼芳年未五十重其人邀之入社諸人皆一時
隱君子惟景陽以子夔貴封江西布政使其會惟論
詩詩成有燕散核數盤飯一盂酒入九行而已中間
秋林陳進之歸自工部冰壑盛時望歸自都臺景陽
子夔歸自江藩亦時時一至不在恒數於時朝野清
娛從容吟宴於林壑之下沈啟南爲之圖邵國賢紀

其事吳匏菴寄題吟社詩云詩壇高築王寅歲勝事
遙傳大歷年買地有黃釀野衲品泉無譜問茶仙樹
藏亭子情風裏路繞雲根小洞邊賡侶願隨諸老役
結盟進我賦歸田王思軒寄詩云少游何處開吟社
借得西神數臯山一代衣冠追洛下千金詞賦播人
間其爲搢紳傾慕如此

傷春詞柬繼芳

去年已賦傷春曲曾與潘郎歌斷續細雨梨花爛漫愁東風
楊柳淒迷綠今年又賦傷春詩燒燈華屋雨絲絲天公歲歲
能作惡偏在春光最好時

寄華祖芳隱君

簾幙捲斜曛沈香手自焚高風振頽俗幽思發清文鵠外看
湖草鷗邊步野雲年來厭形役自愧不如君

過玉溪山墅

衡門水木恣清華路轉西巖隱幾家五月涼陰千畝竹六時
清供一甌茶行逢流水聞僧梵吟到斜陽落磧花自信俗緣
消已盡不勞干刲謾蒸沙

水雲亭小酌

吏隱南塘小結亭此心何愧北山靈壺觴自可消孤閑魚鳥
還能慰獨醒風景只如桃葉渡秋光欲動蓼花汀簷前昨夜
微風起吹落蘭若翡翠翎

與懋成惟清公祿叔理舜明山行歸途有作

落梅風急放湖船六客逍遙是散仙雪白河豚新入饌鵝黃
楊柳未成綿松菴相地開詩社花市留衣當酒錢寄語諸公
慎終始莫因勤怠誤流年

田按松菴相地開詩社此景陽紀首開碧山吟社作

也社中諸人詩附錄於此陸懋成花朝開社句云修

竹茂林思往事雨香雲淡屬花朝陳天澤重陽日社

中諸老登高句云尊前黃菊未堪把樹杪清泉時自

聲黃公祿吟社開宴句云酒籌不計看花飲詩句將

成爲雨催高惟清社集詩云池亭面面遙朱闌每月

探泉到碧山樂事還尋諸老共浮生能得幾時閒行

月明湖上

放歌還

舟中紀興

東風兩鬢雪瓊瑩一枕蘭舟酒半酣不似邵菴虞學士杏花
春雨憶江南

題梅花菴

孤山山上月明多長憶西湖瑪瑙坡安得扁舟吹短笛梅花
香裏一經過

陳懋 一首

懋字行之無錫人有錫谷集碧山十老之一

題小蓬瀛軒

澗頭綠水流花淨谷口青林送客涼銀鶴舞空秋淡淡玉笙

吹月夜茫茫

施廉 一首

廉字彥清無錫人碧山十老之一

自題山莊

深深鑿渠低覆梁流水入戶桃花香野人朝來足清睡時有

黃鸝過短牆

吳文鳳 一首

文鳳字以翔歎人

竹居自題

果溪幽致類湘潭一榻清陰六月寒睡起好懷何處著綠雲
遮斷曲闌干

甘應奎

一首

應奎江甯人成化中貢生除嘉興訓導改龍南教諭

讀陶詩

淵明苦邑令高吟歸去來五斗腰不折乃爲乞食哀昨非與
今是俗子徒驚猜南山不改色落我手中杯

陸潤玉

三首

潤玉字尚質松江華亭人有夢庵集

富林十景錄二

風驅海門潮晴添八灣漲老漁棹歌回籬根繫吳榜
歸舟泝橫浦日落風更急峭帆十幅蒲半帶荒煙濕

重過沙河有感

白鶴沙頭水自波扁舟曾載夕陽過東風一路蘿蕪綠添得
春愁別後多

龍瑄

二首

瑄字克溫宜春人僑寓金陵有鴻泥集二十卷

江西詩徵宜春龍瑄以世襲武職遂爲金陵人與邱仲深羅錦正陳公甫爲布衣交有聲江湖間自號半開居士

田按鴻泥集著錄明史藝文志詩綜未錄一字克溫爲景天間一詩家亟登之

平樂府

淒淒煙雨嶺南天翠壁青林斷復連山縣總荒兵火後士民
猶住城巢邊車簡鑿夜翻江水刀具春秋種石田幸際時和
太平日不須雞骨預占年

荆山鄉思

驛廳長鬱思依依坐看晴檐柳絮飛斜日鳥呼春不住東風
雁比客先歸山程迢遞淹征轡野水微茫夢釣磯卻憶舊居
江口寺雨香蘋藻鱠魚肥

趙不踰

一首

不踰字秉規順德人有迎西館集

珠海別意

落葉微霜古寺秋行人臨發重遲留離情未盡重斟酒歸興
都隨一葉舟殘月斷猿江上路夕陽紅樹驛邊樓明朝獨倚
河橋望人自相思水自流

劉常一首

常字世經海鹽人有武原集

青樓怨

綠楊飛絮撲簾輕百結愁腸夜轉生斜抱銀箏對明月十三
絃裏最關情

祝淇一首

淇字汝淵海甯人

雜題

東風楊柳拂春陽
煙靄陰陰野鳥號
金谷日斜歌舞散
海棠無主草萋萋

賀承

一首

承字宗塤蘇州人

山居圖爲薛竹菴賦

高隱優游遠俗辭竹籬茅屋半雲遮
山田種秫堪供釀石澗分泉自煮茶
細草生香春正暖長松過影日初斜
庭前更有梅兼鶴彷彿西湖處士家

羅頤

二首

頤字儀甫紹興山陰人

田按山陰羅氏三世稱詩儀甫爲顥出

湖上

東山志不違幽澗亢苗肥野樹翻鶴響岩花撲燕飛湖晴林
岫出水濶渚村微笑謝紅塵客休過阮裕磯

送下洋客

積水連檣杳煙濤絕域均星杓插天漢日月轉雙輪地坼炎
洲迴山橫昧谷隣岩雞半夜曉海樹隔年春五色翻鯨浪三
花渡鶴津鄉心看斗近旅夢怯潮頻燈遠明南極舟移按北
辰刀書蕃俗古行說上皇民

劉銑 一首

銑字汝忠壽光人大學士翔子八歲憲宗召見除中
書舍人累官太常卿兼五經博士有西橋集

國史雜疑劉文和班子欽甫入歲召入拜起如禮善

周對授中書舍人慮牙牌觸損以銀易之仍不時召見欽後博學多識官太常卿駕朝陵有御制詩用康

字諸臣屬和一律欽獨引遺塚存康事云成祖詔斥陵旁塚惟留寶祐康三姓信奇聞也

田按汝忠早慧年八歲泰陵召見除中書舍人宮殿

門高同官楊一清常提之出入能詩

與邊華泉何大復相倡和惜集不傳

同無涯大復待月次韻

一笑留君未盡歡試呼明月此憑欄豈應銀漢遙相隔正恐瓊樓不奈寒青眼百年知已在枯桐何處賞音難莫慚草閣荒涼甚多少明珠照筆端

孔克冕

一首

克冕曲阜人孔子五十六代孫

雨後望嶧山

山色平明看雨餘秋正濃滿前青突兀幾朵翠芙蓉鳥落懸崖樹雲閒對面峯當年頌功石苔蘚辨秦封

陳延齡 一首

集

早春曲

柳芽吐玉蘭芽小羅幕凝寒覺春早腸斷王孫尙未歸東風已綠天涯草空籠座滿瓊簫臥熏籠閒爇沈香火惱儂題就抱愁眼淚滴珊瑚暗成顆

鄭延 二首

延字世昌海鹽人以貢授廣東市舶提舉有存笥集

墨竹

零亂金錯刀參差鳳凰尾翠影落湘潭秋風吹不起

回雁

片影橫斜不作行數聲嘹喨度衡陽夜寒沙渚清無夢啄盡黃蘆葉上霜

史傑四首

傑字孟哲湖州人大河衛百戶有穀綫集

沐陽郭外訪克禮

公暇多幽興來尋處士家柳陰晴障日花氣煖蒸霞地接青郊迴門臨小徑主人能愛客汲水煮新茶

挽陳處士

買斷溪山遠避名白雲常日謾茅亭老來不試屠龍技死去
惟存相鶴經階下苔痕空自綠簾前芳草爲誰青路人欲問
平生事光照幽阡太史銘

過曲阜謁孔廟

巍巍萬古靈光殿碧瓦朱甍炫彩霞留得手栽千尺檜綠雲
長護魯東家

贈濂上人

踏破苔花滿徑斑遠尋蘭若向溪山高僧自得無生趣門掩
松陰盡日閒

李仲訓

一首

仲訓號峴山南昌人官吏科給事中

西皋詞

流水小橋楊柳短牆深巷桃花魚子晴生墨沼鶯聲煖隔窗紗

吳一式一首

一式字子正東陽人

春宮詞

百囀流鶯曉禁中夢回驚起錦幃空蘚靄何處宮車過獨對桃花一樹紅

鐘律二首

祐南海人

田接祐號狂客成化間盛有詩名號東海寄狂客
云狂客別來音信無定塵騎馬入皇都嶺南儘有佳

山水莫向君

王乞鑑湖

和友人招遊西湖

二首

湖光山色最宜秋
君不來招也去遊
已辦蜀川千丈錦
爲誰今日盡纏頭

萬頃西湖水貼天
芙蓉楊柳亂秋煙
湖邊爲問山多少
每箇峯頭住一年

明詩紀事

貴陽陳田輯

丙辰

秦夔
五首

夔字廷韶無錫人處士旭子天順庚辰進士授南兵
部主事厯郎中出爲武昌知府改建昌累遷江西右
布政使有五峯遺稿

田按廷韶爲處士景陽子景陽結碧山吟社廷韶與
弟旦夷亦稱詩可謂一家韻事致政歸築五峯草堂
於九龍山下率二弟奉景陽遊衍其間登山臨水歌
咏繼作如是者蓋數十年享士夫清曠之福爲一時
所僅見云

題陳秋林畫松

千年老鬚冰雪顏欹側僵卧寒崖間
劃然悲風起長谷化作龍吟秋滿山
太邱先生畫成癖寫此甯吝百金直披圖一笑
成嘿然海鶴飛來破秋色

秋日與同官登從姑閣

野寺孤城外登臨眼界寬江山正搖落樓閣自高寒
清梵雲間出幽泉石上看同遊皆俊彥樽酒且盤桓

陪任憲副遊麻源第三谷

霜臺先生老詞伯攜我同上蓬萊宮寒巖古樹棲一鶴石竇
飛泉垂兩虹山中日月可不老洞口桃花常自紅神仙有無
何足說獨立滄江懷魯公

次楊郎中叔歎分賦陸墟別業

文筆峯前湖水西幽棲地僻少輪蹄花間稚子坐垂釣竹外
老翁行灌畦酒熟漫拚金谷飲詩成先許錦箋題已聞孫策
如蓬賤更說雕胡似掌齊

小瀛洲爲恩軒內翰題

金鷗池邊結草堂畫闌干外卽滄浪花枝照眼錦雲亂竹影
滿庭蒼雪涼罨畫湖山常對酒芙蓉窗戶漫焚香由來翰苑
非人境何必求仙問渺茫

秦旦

一首

旦字永孚夔弟

春日言志

今日一何好園林競芳菲好風從東來飄飄吹我衣持此一

壺酒對景斟酌之願言且爲樂沒後非所知悠悠柴桑翁子
載同襟期

惠山留宿僧上人房

寺古門常掩僧貧飯每遲石林剗米字塵壁掩唐詩曲徑松
杉老荒庭橘柚垂九龍山色好相對一支願

秦庚二首

袁字仲孚旦弟有濂煩亭稿

勞志居詩話仲孚爲修敬封公季子封公暴中心痛
曾子刺血於胸和酒飲之母殷恭人膝傷吮之而愈
邵翁上其事語旌其門曰孝子泰陵卽作賜以冠帶
嘗作溪山清興堂構蓮閣結亭於後圃顏曰濂煩九
日詩去抱病忽聞佳節至獨攜藜杖強登臨黃花笑
我客還瘦綠酒盈樽手自斟處處辭巢知社燕家家
悲秋送秋音不堪覽鏡頭如雪折得好枝嫩去簪次
日得疾不起偶詩較父兄別數體格頗有清疎之氣

雨窗閒賦

茅屋松窓小隱家一灣流水抱門斜後園昨夜多風雨零落海棠無數花

寫畫贈鎬姪

雨餘溪水漫溶溶綠樹陰中繫短篷一曲滄浪人不見釣絲輕颺白蘋風

陳焯一首

焯字文厚閩人有棲雲集

九月八日值雨

五日十日天氣清故故重九陰雲生隣家貰得一壺酒恐負明朝花下行

陳桂

一首

桂字文用焯弟成化戊戌進士除監察御史出爲浙江按察僉事有留餘稿

題畫

老樹懸崖葉半秋草亭三面枕寒流釣船歸去斜陽沒惟有
青山對白鷗

樊阜

八首

阜字時登籍雲人成化戊子舉人官延平訓導

田按時登集樊氏詩爲樊山集乞吳匏菴序今不見傳本余聞曹石倉歷代詩選有樊氏摘稿一卷時登最爲傑出五言如夕陽雨外明溪上山色好渠花落麻雀一大護柴關七言如夕陽半落山迴影蹇驅一老尋詩還人家三兩溪南村桃李成行門對門石門晴雪落松櫓沙鳥寒雲壓竹低半簾暝色松杉靜一

筋春香筍蕨肥山迴薄嶺牛歸後江變新寒雁過時
廚煙著樹添嵐翠野水歸塘亂瀑聲暝色催人詩欲
就一聲沙鳥半溪雲橋西有客帆
詩癖買得青山種白雲皆佳句也

靈峯嶺道中

嶺路青林杪盤迥出亂雲寺樓當鳴見野碓隔溪聞屐潤苔
花積衣香藥草熏崖陰仙洞在遙見鹿麋羣

登觀音閣和前韻

維摩高閣起層層駐馬空門試一登雙嶂濕雲寒閣雨半巖
枯樹倒懸藤鶴行松逕迎來客猿坐蒲團伴病僧浮世茫茫
如夢幻甯須弔古淚沾膺

醉中到白厓而歸

往事無憑一夢空悠悠歧路任西東菊花向晚應嫌雨梧葉

經秋不耐風自笑長貧仍作客誰憐多病欲成翁青山斷處
孤城在一片砧聲夕照中

山中作

西風吹雨收竹屋雲陰散老鶴劃然鳴月上青山半

春日偶成

硯池香沁墨雲乾酒醒無情嬾著冠燕子歸遲春欲盡落花
吹雨小樓寒

寒夜

破屋難禁深夜雨布衾寒濕半窗雲愁來自起推窗看人比
梅花瘦幾分

過村家

細莎村路繞山斜澗水西頭一兩家桑柘葉乾鳩雨歇茅檐

索索響織車

題東坡墨竹

赤壁歸來燕寢香夢騎立鶴過三湘玉簫喚醒月初墮雲影

滿簾秋氣涼

樊昌一首

昌字友菊縉雲人有友菊詩

送別次韻

匹馬對尊酒送君歸頽川暮雲深戀樹春草遠連天故國幾千里他鄉一兩年何時復相見去住各潛然

樊鐸一首

鐸字伯廣縉雲人有畏齋存稿

茭道驛遇姚子卿

岸柳依依白日斜
新巢語燕野人家
舊時姚合題詩興次第
春風數落花

莫藏一首

藏字用行海鹽人有素軒佩觿二集

張甯方洲集莫藏作墨花清潤可喜
構李詩槧莫用行工詩文及負草篆隸諸體鑄古印
章繪花木蟲魚水仙皆可愛送鄭東谷之廣東詩津
頭貰酒桐花落馬首看山荔子垂可稱警句

秋日書懷寄崔總戎

河橋一別柳初垂又見黃花滿故籬落日江樓王粲賦秋風
茅屋杜陵詩關山遠望天連樹歲月無情鬢欲絲見說東南

烽火靜轅門可是晏眠時

莫遞一首

遯字用嘉歲弟

過故人舊居

幽居寂寂掩柴扉碧草荒煙鎖翠微前庭故人何處住舊家
燕子傍誰飛鳥號深院傷瑤瑟花落空階護薜衣回首不堪
嗟往事夕陽門外曳筇歸

吳鑛五首

鑛詩綜誤作鑛今據吳氏傳家集正之字希聲歙人有月溪集十五卷

田按希聲編吳氏世集自唐左臺御史少微始至明止月溪詩亦清爽

春暮溪行

旬月坐岑寂溪邊偶杖藜雨來雲又合春去烏空唳生草綠
平野落花紅滿蹊無人知我意寓景自成題

題畫

四首

舟泊烏石灘人家白沙埠春歸人未歸離情滿芳杜
潦盡千尋碧山青一髮微詩翁機已息何事鳥驚飛
詩思入秋清嵐光翠如黛屋在青山中人歸白雲外
花老已辭春林陰似交夏埽石坐看雲鷗來伴清暇

吳元鑑

一首

元鑑字希明鑽弟有醉漁集五卷

題菊潭姪畫

近山畔峰何嵯峨遠山淡淡如雲拖嵐光過雨自飛動直下

寒潭生白波石橋橋北林邊路有客攜琴向何處人家籬落
如桃源一夜東風花滿樹絕愛阿咸筆力優意匠不下顧虎
頭吟對斯圖想吳越放舟便欲湖中遊

吳信二首

信字思復吳人有袖莊稿山居雜詠

寄李守恭

月上梅梢瘦影斜黃昏曾記到君家板橋曲徑孤邨裏茅屋
疏籬淺水涯石鼎細香焚柏子瓦瓶新釀出松花別來只訝
春風夢重到無由歲月睞

山中述異

禹穴鮫人冰雪軀水晶絡臂錦襪襦昨朝忽見南湖市來賣

一雙明月珠

吳敏

三首

敏字思德信弟

田按思德兄思復號袖莊有袖莊詩稿詩綜誤以袖莊作思德號據席环湖山靈秀集正之

九月八日直河微雨

風煙淒其暗洲渚明日重陽今日雨牀頭綠酒惜空尊籬下
黃花恨無主大啄雞鳴近直河楚州東去路無多川原曠莽
青山少無處登高可奈何

漳秋竹枝歌

金線鋪前河水深河流如帶草如鍼居民多在鋪邊住榕樹
重重高十尋

答翁明德

輕燒搖曳白鷗羣
載酒看山每共君
夢斷真區煙雨裏
荷花菱葉自紛紛